

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Das Buch Granatapfel, im Latin genant Malogranatus

Geiler von Kaysersberg, Johannes


Augspurg, 1510

Ain gaistliche Bedeutung des Ausgangs der Kindes Israhel von Egipto

[urn:nbn:de:bsz:31-122177](https://nbn-resolving.org/urn:nbn:de:bsz:31-122177)

Faint, illegible text at the top of the page, possibly bleed-through from the reverse side.

**Ein gaistliche bedeu-
tung des aufgangs der kinder
Israhel von Egipto**



¶ Populum Israhel (ait Pharaon) persequar et comprehendam/
Et uaginabo gladium meum et interficiet eos manus mea Sed flauit
spiritus tuus dñe et operuit eos mare Et submersi sunt quasi plum-
bum in aquis uehementibus. Exodi xv.



der Juden

Noli timere sed descende in Egiptum / quia faciam te in gentem magnam et descenda tecum et reducam te. Genesis xlvj.

So steet geschriben in dem buch d̄ geschöpft / in dem sechshundvierzigsten capitel / vñnd seind die wort die got sprach zu dem hailigen Patriarchen Jacob. Du solt dir nie fürchten / wann ich will dich zu ainem grossen geschlecht machen / darumb gang ab in Egipten land / vñ ich will mit dir abgon vñnd will dich widerumb dannen führen in das haylig gelobte land. **W**iewol nun das ist gesprochen zu dem Patriarchen Jacob in dem allen gesatz vor Moyses zeit / Doch mag es noch gesprochen sein / allen den die jr eigenschafft begeren vñnd sollen haben in dem hymlischen gelobten land / in dem ewigen leben. wann diemüssen vor in Egipten diser welt abgeen / vñnd darin gedrecket vñ eribuliert werdn̄ / vñnd darnach durch manig ellend rauhe wüstin wandlen **E**e das sy über den Jordan durch das rot mör mit trucknem füs kommen. Ach wie ist der so selig / der den rechten weg für sich nimpt vñnd frölich auffgeet gegen dem lannd des hymlischen Jerusalem / wie soll der so klain achten was im auff dem weg ellends begegnet so er sich waist wandlen in dem rechten weg / wenn aber der weg so vil seind / in den man irret **A**lls sant Peter spricht Das der gerecht kaum behalten werd **U**nd vñnd sant Pauls manet / das wir für vñnd sollen sehen / das wir sicherlich wandeln **U**nd darumb das du dein selig

von Egipto

keit findest fürderlich / vñnd dich auff den rechten weg zu weisen zu dem hymelischen Jerusalem / das du mit den irrenden nit gefunden werdest / der so vil ist **S**o hab ich gedacht das ich dir ain Exempel sagen will / wie got das volck / das von dem hailigen Patriarchen Jacob ward geboren / vñnd außgeführt ward ab in egipten / vñnd von Egipto durch das rot mör über den Jordan in das gelobte land / vñnd wie er wunder mit in wütet / vñnd in die zehen gebot gab zuhalten **S**o ich aber selb blind bin vñnd vnweis / vñnd selb irgang in meinen manigfaltigen gebrechen **D**arumb ruff ich an die vngemessen ewigen weisheit / das ich warlich sagen mög / wie man auß Egipten diser welt williglichlichen kern soll durch das rot möre in das gelobte lannd / **U**nd das man das desterbas verneme **S**o will ich sagen zu dem ersten / wie die hailigen Patriarchen geboren wurden / vñnd wie sy in Egipten land kamen / vñnd so manigen druck vñnd hörigkeit dälitten / vñnd darnach zugen in das gelobte lannd / **D**arumb solt jr wissen / das wir lesen / das d̄ Patriarch Jacob zwo frauen het / die ain hiefs **L**ya / die annder Rachel / vñnd jr yeweder het ain junckfrawen **D**ie erst junckfraw hiefs Zelpha / vñnd die hett den gebrechen das sy vil trannck vñnd ward truncken **D**ie ander hiefs Bala die hett den gebrechen das sy vil reder vñnd zünil wort was / **L**ya gewan zu erst vier sün Ruben Symeon Levi vñnd Judas. **A**lso hat der mensch zwo frauen in im selb **D**ie begird ist **L**ya / die vernunft ist Rachel / **D**ie sinnlichkeit ist der begird junckfraw vñnd hat den gebrechen / das sy nymer kain benügen hat der sinnlichen ding **A**ber der vernunft junckfraw ist die

Von

bildnerin/die hat den gebrechen/das
 sy zu vil redet/vnd irer frauwen der
 vernunft zu vil bildung eintraget/
So nun ain würeckend leben vor
 dem schawenden lebenn erfüllet soll
 werden Darum so soll Lya/die das
 üben oder würeckend leben bedeiüet
 vor geen/vnd zu erst fruchtbar wer
 den/vnd jr frucht soll Ruben sein/
 das ist/göttliche forcht/wann sy ist
 ain anfang aller götlichen tugent/
 Als die haylig geschriefft sager. Ain
 anfang der weißhayt/ist forcht des
 herren. Der sun wirt geboren so der
 mensch seinen gebrechen betrachtet/
 vnd dartzu gottes gerechtigkeit vnd
 seine verborgne vrtail Wen nun der
 sun geboren ist/vnd der mensch rech
 te gotsforcht hat/vnd den sichte das
 er got so oft vnd dick erzürnet hatt
 So felt er in betrüblich schwanger
 hait/vnd wirt denn Symeon geborn
 Das ist/herzleid vnd betrübnuß vñ
 mißfall seiner manigfaltigen gebre
 chen Vnd so nun der herr gesprochen
 hat Selig seind die da wainend wañ
 sy werden getröst Vnd darumb so
 bald betrübnuß geboren ist in dem
 menschn so bald wirt er wid schwan
 ger vnd gebürt denn Lemi/das ist/
 züuersicht/wenn so der mensch ye
 grösser laid hatt/so er ye meer züuer
 sichte soll hon zu got/also das jm got
 wöll vergeben sein sünde Vnd wenn
 nun der mensch züuersicht gewinnet
 vnd got seiner güte getrawet das er
 in nitt lasse/so entspringt ain freünd
 schaft vnd ain liebezwischen got vñ
 dem menschen/das denn der mensch
 sein getreiwon manung war nimpt
 vnd wirt den Judas/das ist/die lob
 sam lieb/vnd gottes verjehnung ge
 born/wañ do Lya Judam geboren
 het do sagt sy got lob auß innerlicher
 lieb/Das ist der edel sun dauon das

Dem außgang

geschlecht ist komen von dem der sun
 gottes solt geboren werden. Der sun
 soll ain künig sein aller seiner bñder
 wann auch die edel tugent der lieb ist
 ain cron vnd künigin aller tugent.

Histori.

In lesen wir/do rachel sahe
 n das Lya vier sun her/vnd sy
 vnberhaffe was/das sy do be
 gert/das Jacob bey irer junck
 frawen schlieff/das sy auch ain kind
 möcht von jr haben Nun beschach es
 das jr junckfraw Bala zwen sun ge
 wan Der ain hieß Dan/der ander
 Neptalim/vnd do die geborn waren
 vnd Lya sach das die junckfraw Ra
 chelis zwen sun her/do begert sy auch
 das jr man Jacob bey irer junckfraw
 Zelpha schlieff/vnd es beschach das
 jr junckfraw zwen Sun gewan/der
 ain hieß Gad/der and Asser. Das
 bedeiüet anders nichts dan so die göt
 lich lieb geboren wirt in der begird/
 vnd die herrschet in dem menschen/
 so begert die vernunft das selb zü be
 kennen/das den die lieb gemeert wirt
 vnd wenn sy das nitt lautter on bild
 vnd form bekennen kan/so begert sy
 auch das jr junckfraw die bildnerin
 zu den ewigen dingen sich auch ke
 re vnd sy mitt den bilden leer bekennen/
 vnd dem zu hand so gebirt die bildne
 rin zwen sun Der erst ist/angesicht
 der künfrigen ding der pein/vñ haif
 set Dan Der ander sun ist/angesicht
 der betrachtung künfriger seligkeit
 ewigs lebens/vnd der haifset Nepta
 lim Wen nun die bildnerin zwen sun
 hat/vnd die zwen sun die begir sichte
 So will sy auch das jr junckfraw
 die sinnlichait/vnder tenig werd irem
 man dem gemit/vnd von dem anse
 hen so sy dan die künfrigen pein an
 sichte So gebürt dem die junckfraw
 Gad/das ist/ain abbrechen aller lust

der Juden

sinnlicher ding Darumb das sy der
 helle entfliehen Vnd so sy Nepralim
 die ewigen seligkeit ansicht / so ge-
 bürt sy Affer / das ist / ware gedult zu
 leiden / durch d freud willen alle drück
 vnd widerwertigkeit klain darumb
 scherzē / wēn nun ware gedult in dem
 menschen geboren wirt / so wirt der
 mensch an seiner begird mit besonde-
 rer freud vnd lust berürt von got /
 vnd wirt im das joch des herren so
 süsse / vnd sein bürd so leicht das er
 sich freiwet in got / vnd das im auch
 widerwertiger dinng bitterkeit süß
 wirt Vnd wenn das geschicht so ist
 von Lya / das ist / von der begird
 Isachar geboren / das ist / freud vnd
 süßkeit Wenn nun der mensch der
 süßkeit gottes empfindet / so will er
 zu got gebunden werden / vnd zu al-
 len götlichen dingen / das er ain miß
 fallen gewindt in allem dem / das wi-
 der got ist / vnd wider sein Ere / vnd
 mag es an nyemantde weder sehen
 noch hörn mit wol gefallen Sonder
 in grossen trawren vñ laid alles das
 darinn er gebrechen vnd gottes vneer-
 erkennet / vnd damit wirt Babulon
 geborn / das ist / zornlichkeit wider all
 vngöttlichkeit / wēn aber der mensch
 das selb auch in im finder darumb er
 ander leüt erkennet straffber / so fallet
 er in scham sein selbs / vnd so er nun
 on gebrechen nit mag sein / so schämet
 er sich innerlich vor gott allain / vñ
 so Dyna die tochter / geborn von Lya
 der begird / wirt / wān ain fraw vñ
 natur schämiger ist dann ain man /
 darumb das Babulon nit zu vil zürn
 So wirt nach im geboren die junck-
 fraw Dyna / das sy sein zorn mittel
 oder milder / vnd in güttigkeit kere
 vnd yn behalt / das er sein zürnen nit
 zu vil brauch / vñ das er allain straff
 auß güte seines hertzen Wenn nun

von Egiptō

das geschicht das sich der mensch
 nit vor got allain / sonnder auch vor
 den menschen schämet / vnd dick vor
 scham wegen der leüt die ding thut
 oder last / so geet Dyna auß vñ wirt
 enteeret / oder jr rainikeit beraubet /
 wān es geschicht offte so der mensch
 andrer leüt gebrechen sieht / das er sich
 denn erhebt / darumb das er sollicher
 gebrechen nit hat / noch darein gefal-
 len ist Vnd also geet Dyna auß vnd
 wirt von üppigem erheben gedruckte
 Das ist / jr junckfreulichait gewalt-
 samlich beraubet Das soll denn der
 mensch billich rechen / vnd sein ma-
 nigfaltig gebrechen fürsetzen / vñ die
 an aller überflissigkeit wort vñ werck
 beschneiden / vnd doch nit die krefft
 eröden vnbeschaidenlich / alls die
 brüder Dync / Symeon vnd Leui
 theten / meer / er soll sy mit maß vnd
 mit beschaidenheit beschneyden / das
 kan er aber nit gethün / es sey dann
 Joseph / das ist / weise vnder schid ge-
 born Der edelsim ward erst geboren
 do Jacob alt was worden / von Ra-
 chel / wann da gehöru vil jar zu / das
 der mensch dartzu kom / das er weise
 vnder schid gewin aller einfäll / vnd
 wol erkenn / wenn yegklichs inniges
 werck zu vil oder zu lüzgel sey / Das
 thut Joseph / wān maß vnd mess al-
 len tugenden vnd allen leütten gibe
 er weise vnder schid Darumb so müß
 sen alle annder tugend weise vnder-
 schid anbeeten / wann er beschaydet
 tröm vñ alle bild der fantaseyen / vnd
 beklaget seine brüder / das ist / alle an-
 der tugent / wa. jr zu vil ist / oder zu
 lüzgel Vnd das ist etwas widerzän-
 den audern tugenden / vnd mügend
 rechte maß nit geleiden Wenn nun der
 mensch hatt in seiner vernunft Jo-
 seph den weisen vnder schaiden geboren
 So lernet der mensch bey im selbs

erkennen sich selbst / vnd wenn er in
 sich selbst sieht das bild der hohen tri-
 ualigkeit So beginnet in seiner
 vernunft ain lecht entzpringen /
 das ist / götlich schawen in sein
 selbst bild wissen / wenn nun das göt-
 lich schawen entzpringt So muß die
 vernunft sterben / wenn sy bey weit-
 rem weg dartzü nit mag raichen /
 Wann also lesen wir Do Rachel
 Benjamin gebat / das sy an dem
 kind starb / Wenn nun Benjamin
 bedüret götliches schawen so be-
 schicht auch also in dem menschen
 Wenn götlich schawen in im ge-
 borent wirt / das die vernunft vnd
 allesinnlich einfall / vnd alles / das
 der natur ist / das muß sterben vnd
 herniden beleyben / Dartzü kompt
 der mensch nit / dann mit dreyn ding-
 en Das erst ist / das er aussen an wol-
 geordnet sey / vnd innwendig vnges-
 hindert / vnd on alle verbildung /
 Das ander / er muß got mit geain-
 ter lieb anhangen on vnderlaß /
 Also das er sey entzünnt in liebhaben
 als ain glient eysen des feurs on al-
 les erleschen. Das dritt / er muß sich
 selber verlorn haben als in ainer vn-
 wissennden vinsternuß / das er sich
 selbst nit kind finden nach der iridi-
 schen begir / denn so ist der edel sun
 Benjamin geboren / vnd die müter
 die vernunft ist tod. O selig seind
 die / die also in got tod seind / wann
 sy empfahent erst in im ain neuwes
 wunnigliches leben.

Hystori.

¶ In lesen wir das Jacob sun
 der lieb het zü seinem Sun
 Joseph / seind er yn in seinem
 alter gewan vnd machet im
 ain rock bis auff den enckel / vnd do
 ward Joseph darnach seinem vater
 sagen / wie sein brüder wider got

leben Darumb hasseten yn sein brü-
 der / vnd nach verlauff der zeit ver-
 kauften sy yn in Egipten Do layd
 er vil vnd lang / vnd ward von sein-
 er keuschait wegen gefangen / vnd
 lag lang in ainem kercker. Aber got
 gab im gnad vnd weishait der träm
 künfftiger ding zü beschaiden / dar-
 umb er auch erhöhet ward zü ainem
 fürsten des reichs vnd landes Egi-
 pten Also das er das gantz land be-
 soiget vnd versach in hungers nöd-
 ten Vnd darumb auch sein brüder
 zü im kamen vnd hilff süchten bey
 im Vnd auch zü dem lesten sy vnd
 ir vatter zü im in Egipten land zu-
 gen von theit in vnd hungers we-
 gen / den sy in irem aigen land heren
 Also kam Jacob der Patriarch mit
 sibenzig personen in Egipten land
¶ Was bedüret nun das / das Joseph
 seinem vatter Jacob lieber was dan
 sein brüder: Nichts anders dann
 das weise vnder schayd der tugent
 vnd der gebresten so gar liecht vnd
 hoch ist für ander tugent Darumb
 het Joseph ainen rock bis an den
 enckel / wan sy begreiffet alle tugent
 wo zü vil ist oder zu lüzel / wan also
 beklaget sy die demütigkeit / wenn
 sy zü vil sich trucken lassen Auch be-
 klaget sy die essentmütigkeit / wenn
 sy die vner gots nit straffer / Also
 beklaget sy die hertikeit des lebens
 der menschen / So der mensch über
 sein krafft sich selbst angreiffet / wenn
 aber der mensch gar in vil jarn erst
 dartzü kompt / das er weise vnder-
 schid gewint / das in allen seinen wer-
 cken nit zü vil sey oder zü lüzel Das
 wirt wol bedüret bey Jacob / der fast
 alt was / do er disen sun gewan Aber
 son nun dem menschen in seinem für-
 nemen wider ist maß vnd maß haben
 Darumb so verkauft offte die begir

Der Juden

von Egipto

vnd auch die werck des menschlichen
 Joseph / das ist weise vnder schid jr
 brüder in Egipten land / das ist / in
 diser welt weishait vnd vnder schid
 wann in ist nit einzubilden mas vnd
 zil der innwendigen ding Vnd also
 zuhand so Joseph / das ist / weise vn-
 der schid verkauffet wirt / vnd von
 seinen brüdern komet So erhept sich
 theurin vnd gebrechen in dem land
 tseiner brüder / wann allen tugenden
 gebriest / wenn sy weisen vnder schid
 verlieren vnd werden zu vntugen-
 den Darumb so müssen alletugend
 weise vnder schid haben / wann sy ist
 ain fürst aller tugent / von dem das
 sy aller gesicht träm vnd bedünnus
 beschaidet / vnd darumb an jr gnad
 kommet / wann sunst müssen sy ge-
 brechen haben vnd verderben / Doch
 wirt sy oft gedruet mit der welt
 weishait / wiewol jr lauttere weis-
 hait zu dem letzten fürbricht / das sy
 erhöcht wirt von billichait in alle wir-
 digkait.

Süro sagt die hystori

Vn beschach auch darnach
 in do die hailigen geschlecht in
 Egipten waren / das in das
 land fast liebt / vnd nit für-
 bas begerten / dann das sy da jr leb-
 tag solten verzeren / wann sy hetten
 eer vnd gütt / vnd kurz weil gnüg /
 darumb verhenget got das inen ain
 neuwer künig ward / der wisset nit
 vmb Joseph vnd Jacob / vnd der
 erucktet das volck gottes fast schwär-
 lich / vnd demselben künig müssen sy
 vndertänig sein / der ordnet in groß
 arbeit das sy müssen ziegel vn alg
 brennen / vnd steet bauwen / vn straf
 vnd weg machen / vnd vn sauber kait
 ab weg tragen / darzu irret er sy an

allen güttin dingen die sy da nit vol
 brachten / Er hieß auch alle kind die
 knaben geboren wurden errencken /
 Darumb auch Moyses in ain kurb-
 lin wol gebicht ward gesetzt / vnd auf
 das wasser geworffen Doch das be-
 schach also durch besonder ordnung
 gottes / wann das ersach des künigs
 tochter die hüß in auff vnderzoch in
 Wir lesen auch als lang sy in Egi-
 pten waren das sy gar vil kummer
 mit irem vich hetten vnd vil böser
 versüchung vnd ansechtung / do sy
 sahen das die Egiptier die abgötter
 anbeteten / vnd doch so vil trostes
 hetten in disem zeit vnd gelücks / vnd
 sy also in schwarzen drucken vnd ley-
 den vil vnd manig jar waren in Egi-
 pten / bis das yn got halff auß dem
 land zu der statt des frides. **Seid**
 nun Egipten dis welt bedüet So
 beschicht es gar vil das dem mensch
 en in disem zeit gar vil ding liebe /
 wen er in eer vnd gütt sein zeit in kurz
 weil vertreibt vnd versaumet sich zu
 vil das er kain belangen nach der
 ewigkait hat / vnd verbildet sich so
 vil das er nit amders dann zeitlich
 ding in Egipto diser welt begeren
 ist Darumb so ordnet dem der ewig
 got die er darzu angesehen hatt in
 ewigkait / das in maniger druck in
 diser welt geschicht Vnd das ge-
 schicht darumb das in die welt nit zu
 vil liebe / das sy ain bewegenden jas-
 mer gewinnen nach der ewigkait /
 Er verhenget auch auß grosser lieb
 das sy dick von bösen menschen diser
 welt in arbayt vnd in layd gesetzt
 werden / wann so der mensch hart
 lasset die welt / darumb so müß er
 hart gedruet werden Auch müß er
 strafs vnd weg seubern / vnd alle vn-
 seuber kait austragen ee das er auß
 Egipten land diser welt kommet

J iij

Von

wann alle demüthigewerck seind der natur widerzaim / vnd darinn müßer sich hart müen / vnd sich darin überwinden ee er auß **E**gipten land komet. Es müssen vor auch alle knaben getödt werden vnd in das wasser geworffen / wann alles das da wachset auß dem menschen von dem blüt / flaisch oder begird / oder willen des mannes / das müß vor alles erst erben ee das der mensch auß **E**gipten land komet. Aber allain die begird der himlischen ding die ain verbergung nymmet in den zeitlichen nordürstigen dinngen soll behalten werden / als Moyses in dem binnin körblin / wann Moyses soll den menschen führen in das gelobland / das ist / begird himlischer dinng. Auch beschicht es offten gottes freunden / das sy in diser zeit in groß wunderung / beforung oder versüchung fallen vnd gesetz werdün / so sy sehen das die kinder der welt so in grossen gelück seind vnd trost / vnd abey sehen das die freünd gottes so in grosser verschmäch vnd in grossen truck vñ leiden seind / als ob got nichts vmb sy wiss / vnd jr gantz vergessen hab / das setzet den menschen in grosses wunder vnd beforung / bis das er von egipten gantz geschaydet / vnd denn sieht wie sich das rot möre auffschüt den freunden gottes / vnd alle jr feind trencket.

Sprach ain mensch. Führen die kinder von Israhel gleich zuhand auß **E**gipten?

History.

A solt wissen. Ain / wiewol sy doch vil leydens hetten / doch so wolten sy nit von dannen / bis das got groß blagün sandt über **E**gipten / wann alle was

Dem außsgang

ser wurden blüt / vil frösch regnet es vil staubmücken wüchsen / die alle frucht verwüsten / vnd die frösch in andie bett rissen / vil flügen die sy bis / sen / der schelm des vichs / zerbröckung irer haymlichait / vil hägel vnd donrschleg / vil hewschickel. Auch vinstet nuß die man greiffen mocht / vnd rödrung aller erstgebornen. Vnd die blagen giengen über **E**gipten / das den kindern von Israhel nicht / geschach / noch sy der ding kaines berüret. Vnd do sy die blagen sahen / do begertten sy erst hinweg. Doch führen sy nit bis das sy künig Phatao selbs hieß dānen hinweg faren / vñ die von **E**gipten sy austreyben vnd maneren das sy zuhand hinweg schieden.

Also beschicht noch oft / wiewol d̄ mensch in der welt vil leydens vnd leydens hat vnd vngemach / das im die welenitz zu lieb werd. Democht will er die welt nit lassen bis das im solich groß leiden begegnet vnd blagen das yn die welt selber lasset / vnd yn von jr austreybet / vnd all so mit schwarzem leiden außjaget.

History.

Prächst du / Wie kamen sy von land? Ir solt wissen das sy von des hässen gottes entlechneten vil klainat / silbaine vnd guldinegeschir: von den hayden in **E**gipten / vnd nam yetlicher ainm stecken in sein hand / vnd namen auch mit yn materi zu opfferen got in der wüstin / vnd namen meel das sy brot hetten vñ machten nach irer notturft. Vnd all so führen auß frauwen vnd man mit iren kinden / mit ainem ganzen willen nymet mer widerumb zu kommen.

der Juden

¶ Bedeutung

As nun das bedeutet / solt jr wol vernemen Will der mensche auß Egipten diser welt faren in die wüstin vnnnd gegen dem gelobten vatterlannd so soll er nitt allain seine klainat vnnnd sein silbergeschirz / das seind seine aygen tugentreich übungen mitt im nemen Besonder er soll auch in sein begird vnnnd liebe alle tugent vnnnd tugentreiche übung von allen andern menschen juden vñ haiden oder von wem sy beschehen / in sein begird vnnnd lieb beschliessen / vnd sy hin mit im tragñ in williger übung / vnnnd hat er meer lieber begird in den selben tugentreichen übungñ so seind sy meer sein / wañ also soll er alle klainat der tugent entlehnen / in allen menschn die tugent üben / sy seyen böß oder gut menschn Vnd soll denn zu im nemen den stab des creüz / wañ die warhait gesprochen hat. Wer mir nach will gon der soll sein selbs verlaugnen / Das ist / sein eigen willen lassen / vnd soll sein creüz auff sich nemen / Das ist / abbruch aller gelüst / mit fester williger gehorsam / vnd soll mir nachuolgen / wañ das creüz dein / ist nichts anders dan so etwas deiner natur widerzaim ist / vnd du dich doch willigklich dar ein gibst / Es soll auch der mensch mit im nemen materi zu opffern / die er got opfer in der wüstin / das ist sich selbs / wañ das ist got das allerliebste opffer für alles das er got geben mag Darumb spricht der andechtig leerer Bernhardus. Quid nos offerimus ei. Was sollen wir im opffern oder geben / vmb das / das er für vns hat geopfert / wañ kain edlers opfer noch kosperrlichers het er / dann sich selbs / vnd das gab er für vns / Wer ist der mensch der sich selbs widerumb opffe

von Egipto

ret. Ach herr got / wer gibet mir / das dein maiestat mein opffer empfach / Ich hab allain zwen haller / das ist / leib vnd seel / künd ich dir die begirlich opffern / so het ich sy behalten / will aber ich sy mir behalten / so hab ich sy verloren Doch soll der mensch mit im nemen mel / das ist / gaisstliche trostung / das in got in allen dingen versorg vñ speiß / vnd im nymer misstrawen Vnd also sol der mensch auß egipten diser welt ziehen / mit ainem stäten willen vnd festen gemüt nymmermeer widerum zu keren Vnd darumballe vrsach fliehen die im ain widerker möchten machen / vnd darumb führt got das volck von Jsrahel gar durch wunderlich selzam weg / das sy müsten vmbziehen selzam fremd vnd ferz weg / das sy nit widerum lüften in Egiptenlannd Also soll auch der mensch im selbs verlegñ vnd verwerffen die weg die yn wider in die welt möchten gefürn / vnd ob er auch gern wölt widerkeren das er vor der welt scham nit künd noch möcht wider zu der welt komen.

öchten jr aber sprechen / was ist den menschn die allermaist vrsach wider in die welt zu komen: Solt jr wissen / vns nütze üppigeliub vnd weltliche gesellschaft Die zway seind die größten vrsachen / wann sy thünd so vil / vnd ob ain mensch war komen bis zu dem dritten hymel / so fellend yn die zway ding herwiderab in die welt / auch in abgrund der hellen Darumb so sollen sich alle menschen hütten vor sollicher vnnützer üppiger lieub / vnnnd auch gesellschaft / vnd sich wenden zu den dingen die da in got seind geliebt / alls tugent / vnnnd der tugent übung.

¶ Hystori.

Von

In solt ir wissen wie sy durch
das rot mör seind komen Do
sy drey tag von Egipten ka
men in die wüstin/do kamen
sy an das rot mör an ain eng/also das
zu der ainen seitten das mör vor inen
was/ vnd an der andern seitten ain
gar hohes gebirg/über das sy mitt
nichten mochten komen/ weder hin
noch her Vnd des ward gewarung
Pharao von Egipten/vnnd zoch in
nach mitt sechstraussent wagen/vnnd
mit grossen volck/ vnd wolt sy wider
in sein land treiben Also waren sy an
allen enden in nödten/ vnd mochten
niemert weichen/ weder hin noch
her Vnd darumb wurden sy in groß
angst vnd not gesetzt/ vnd reuwer sy
das sy ye von Egipten schieden/vnd
nurtelten wider den lieben Moysen
vnd Aaron/vnd sprachen Warumb
habent ir vnns außgefürt von Egi
pten Vermainten ir das vnns grö
ber zerrunnen wären/das wir nun
hievor Moysen müssen sterben/ Do
sy nun also in getrang waren/ do er
schyn in ain saul/die stünd zwischen
in vnd den veinden/das sy ire veind
nit mochten gesehen/das waren die
von Egipten/Vnd als die saul fin
ster was gegen den Egiptern Also
gab sy liecht den kindern von Isra
hel/das sy all mochten vmb sich sehen
Auch in der nacht/Vnnd do tröset
Moyses das volck vnd nam sein stab
vnd schlug an das mör/vnd zuhand
taylet sich das mör/das da zwelf tru
cken strassen da wurden durch das
mör/vnd gieng die saul vor Vnd do
das Moyses sach/do gieng er in die
strass/vnd im wolt nyemandt geren
nach gon/bis ainer von dem geschle
cht Juda mit den seinen hinnach trat
Vnd also kamen sy all durch das rot
mör/mitt trucken füßen/vnd hetten

Dem außgang

zu bayden handen oder seitten wasser
des möres in maut weiß hoch erhebt.

¶ Bedeutung.

Stet jr nun wissen/wie es de
sener geet/die auß Egipten
diser welt ziehen/wan yn ge
schicht gleich als den Juden
geschehnt ist/wan so sy drey tag waid
(das ist/mit den drey kreften der seel/
gedechtnuß/ verstenuß/vnd wil
len) auß der welt ziehend So komen
sy dick in grosse not/wann sy sehend
vor in ain endlos mör/das ist/vil bit
terkait/die in vnleydenlich scheinent
vnd die forcht vnd die schamzuleidn
vor der welt/vnd manigfaltiges er
sterben/das sy thun müssen/wollen
sy fürbaß gen Vnd zu der andern
seitten die hohen gebirg/das seind die
höhin der tugent/das yn die zu hoch
seind zu etuolgen/vnd sy die übung
der tugent nit mügen leiden/sy wöl
len dann ire sinn verliern (als sy be
dunckt) Vn also kan der mensch we
der hinder sich noch für sich kommen
Vnd wenn das vermerckt Pharao
Das ist der böß gait Sonimpter zu
ym die kinder d welt/vnd fare nach
widerumb die menschen zu fahen vn
widerufft in Egipto zutreiben/vnd
komet mit maniger bößer verfühung
vnd irrung/vnd machet den men
schen betrübt in seinem hertzen/das in
gereuwer das er die welt ye geliefs/
vnd gedencet bey im selber/was haff
du dich selbsts gezigen Du haff lust vn
trost gelassen/vn müßt doch in ainem
weg als wol als in dem andern ver
loren sein Dir wär vil baß geschehen
hetteff du dir selber wol lassen sein in
der welt alls annder leüt die doch zu
hymel wöllen komen/alls dann spre
chen die welt kinder Vnd so d mensch

der Juden

also gedrencke wirt vnnnd spricht zu
 in die welt Maynest du das dir das
 himmelreich allain erschaffen sey/
 vnd es dir got allain gemacht hab/
 Was zeichst du dich selbs / wilt du
 geren dein sinn verlieren. Auch so
 komment annder die sprechen. Die
 weil du jung seyest so laß dir wol sein
 Du kompst des noch wol über vil
 jar / das du got dienest / Auch ander
 sprechen / Hale dich allain frumb/
 Elich / vnd laß dir wol sein in der welt
 du magst in der weiß nit besteen / die
 vnd die habents auch versücht / vnd
 seind doch nit bestanden / vnd hond
 wider vmb kert / vnd seind darnach
 der welt spot gewesen / also mag dir
 auch geschehen / Darbey komment
 aber annder vnd sprechen Es scha
 dent freud vnd kurzweil nicht in er
 berkait Es schadet auch nit wie die
 menschen beklaydet gond / wenn nur
 das hertz gürt ist / Auch so kommet
 Pharao der böß gaist vnd würffet
 dem menschen für freud vnd kurz
 weil vnd machet dem menschen so
 anngst das er sich selber erbarmet/
 vnd gedencet was hast du dich selbs
 gezigen / wie ain kläglich ding ist es
 so du nymmer frölich solt werden /
 vnd solt ymmer in betrübenuß sein /
 Du magst es die leng nit meer erley
 den / vnd gereüwet den den menschen
 en oft das er die welt hatt gelassen /
 Vnd denn findet man etlich So sy
 also gedrengt seind / das sy geden
 cken / du magst nit also besteen on
 auffenthalt / du müßt dir selbs mitt
 etwas kurzweil zuhilf komen / vnd
 kompt oft dartzu das sich die kurz
 weil meeret / das der mensch gleich
 wider in Egipten lannd kommet /
 Aber die außserwelten kinder gottes
 die rüffent got an in disen nödten /
 vnd gedencent das alle freünd got

von Egiptō

tes müssen durch leyden kommen in
 freud vnd rüw / vnd sehen denn also
 an die saul des glaubens / wie der
 glaub vns ymmerwerend freud zay
 get vnd gibt / vmb gegenwürtiges
 leiden / vnd wie er vnns tröstet / das
 vnns got nit will lassen in kainen
 nödten noch gebreusten / vnd in allen
 angsten will er bey vnns sein / vnnnd
 die grösten bürd tragen / vnnnd das
 klain leyden will er auff vnns lassen
 fallen / das wir dann mügen erley
 den / vnd alle betrübenuß will er vns
 in freud keren Darumb so schlagen
 sy denn in das möre der bitterkayt
 diser wele / mit irem stab / das ist /
 mit ainem güten vertragen zu got.

Wöchten ir aber fragen / vñ spre
 chen Warumb das wär das die welt
 zügleicht würd dem möre?

All ich nun eüch das sagen

So wise ir wol das das mör
 bitter ist / vnd fast groß wel
 len hat / vñ wilde thier darin
 seind / vnd selten still steet / vnd dar
 umb ist es wol billich zügleicht der
 welt / die da vil bitterkait hat / das ist
 vil widerwertigkait / vñ wüstin / vnd
 vil wilder tier Darumb frag / was
 ist neid / has / vngedule diser welt /
 wie verbitternd sy manigem sein her
 ze Sich an die stät viler menschen
 Seind sy nit mörwunder Auch wiß
 wir wol das alle Element dem men
 schen nach seinem leben stellen / vnd
 müß doch das leben durch die Ele
 ment auffenthaltten werden / Wir
 wissen auch wol das die kinder diser
 welt grossen has tragen den kindern
 gotes / vnd sy verspoten / vnd in ma
 nig trübenuß drucken vnd bitterkait
 vnd in dem müß d mensch verweg
 lich vnd verachelichen gon vnd sich

Non

göelicher güte empfelhen / vnd will
er sich der tieffedes möres enstigen
So soll er mit der rüt Moysi an das
mör: schlagen / vnd die selb rüt ist nit
annders dann betrachtung ewiger
pein Vnd die verborgen vrtail got-
tes die da so streng sein / das der ge-
rechtkaum behalten wirt Als sant
Peter spricht Wenn er das wol be-
trachtet so soll er sich billich in das
mör: der bitterkait diser welt wogen
vnd weñ das got sieht so mag er den
menschen von seiner güte nic lassen /
vnd railt im das mör: das er mit trus-
cken füßen dardurch kömmer.
Wöchten jr aber sprechen / was be-
deüter das sy das mör: hetten zü bay-
den seitten als ain maur / vnd was
bedeüten die zwelff strassen: Solt jr
wissen das alle / die die welt wöllen
fliehen / die haben bitterkait zü den
bayden seitten / wan betrübnuß vnd
jamer vmb ewig ding vnd vmb anz-
dacht vnd vmb ernst / ist das mör: zü
der gerechten seitten Aber betrüb-
nuß vnd socht der ewigen pein / ist
das mör: zü der gelincken seitten / vnd
zwischen den zwayen bitterkaytten
muß der mensch lauffen durch das
mör: Aber die zwelff strassen bedeüt-
ten annders nichts dann die zwelff
rat vnser herren Jesu christi / oder
die zehen gebot mit den zwayen ge-
botten der liebe Als wir got söllen
liebhon ob allen dingen / vnd vnsern
nächsten als vnns selbs Also nun in
dem habe jr wol vernumen vnd ver-
merckt das got hiemit beweiset hat
das er den menschen nit will lassen
in seinen nöden / er will müßerna-
türlich helfen von allen drücken vñ
beswörungen / als er den juden thet
do et des möres grund trucken ma-
chet / Auch habe jr vernommen das
Juda das erst geschlecht was / das

dem außs gang

Moysi zü dem ersten nach dratt in
das mör / wann Juda / das ist / ain
liebhabender verzeher vnd bekennet
gottes / der laufft vnd eylet / da ain
träger mensch still steet Also mer-
ckent jr wol wie Sy durch das rot
mör: seind kómen.

Histori.

Un ist fürbass zusagen wie
es darnach gieng. Wir le-
sen also / Do der künig Pha-
rao vñnd sein volck gewar-
ward / das das volck gottes mit tru-
ckem füß durch das rot möre was
kommen / do eykten sy hinnach vnd
wolten sy gefangen haben vnd er-
schlagen / do thet sich das mör: zü /
vnd errecket sy all Vnd do sahen
die kinder von Israhel das jr veind
tod an dem land lagen / das sy das
mör: außwarff Do sahen sy das got-
tes gegenwürtigkeit was mit yn /
Vnd darumb wurden sy erfreuwet
vnd fiengen an zusingen ainnewes
gesang / bayde jung vñnd alt / man
weib vnd kind / vnd sangen den psal-
men. Cantemus domino gloriose etc
Wir sölen eerlich singen dem herren
Nun was auch da Maria die Schwe-
ster Moysi / die hett ain trummen
oder harpfen für sich gehencke / vnd
auch annder frawen / vnd viengen
an zusingen den benanten Psalmen
vnd viengen an zutanzgen / vñnd an-
der frawen sangen jr nach mit gan-
zer grosser freud. ¶ Wie billich
ist es / das sich der mensch fröw / so
die gannz welt in seinem hertzen er-
trinckt vñnd erstirbe / wie selig war-
der / der durch das bitter mör: kóms
men wäre Solt er sich halt nit bil-
lich freuwen / das er so grosser bit-
terkait des bösen neides vñnd hasses

der Juden

falschait vnnnd vntrew / vnd ander
vnrainigkait ist enpflohen vnnnd al
so dem meer diser welt entrunden.
Da so maniger mensch in seiner
plinthait inne ertrincke / vnd im da
ewig pein erholt Ach wie ist der so
fallig der das meer nit mer vor im
sicht Allain hinder im / Der mag
woll sprechen mit Sancto Paulo
Bonum certamē certauī. Ich hab
ainen güten streit gestritten / vnnnd
mag denn wol mit freuden singen
Regnum mundi et omnem ornatum
seculi contempsi. Das reich d welt
vnd alle gezierd diser welt hab ich
verschmächet vmb liebe meines her
ren Jesu Cristi / den ich hab gesehn
den ich hab geliebt / in den ich hab
gelaubt / Vnnnd mag wol mit frö
den in warhait sprechen / Eya woll
an falsche welt / dein freud vnd lü
ste / vnd alle dein kützweil die ich
von dir ye enpfien / wie sind sy so
gar anders nictes (Dann als ain
traum vnnnd ain regenbog) gewes
sen Vnnnd darumb var hin Wann
ich nicht in dir erfunden han dann
falche trw vñ vnstatikait / vnwar
hait vnnnd betrübnuß Darumb sey
dir hewt vnnnd ymer vrlub gebenn /
Wan wer dir es ioch nit gibt / dem
gibst du es / vnnnd laßest in in nöten
stecken Also merckte jr wol / wie bil
lich der mensch nit allain mit tru
men vnd harpffen (Als Maria die
schwester Moysi) vill mer mit al
lem seinem saitten spill soll got lobn
Vnnnd mit sießem gesang singenn
vnnnd springen / vnd das aines kün
de süßiglich in den oren gottes syn
gen So solt ir wissen das / alles ge
sang vñ sechß noten gemacht ist /
Aus den man alle saitten spill / vnnnd
lieder zeüchet Vnd haissent / Tr re
my / fa / sol / la / Vnnnd ist ye ainer

von Egipto

höher dan der ander Vnnnd ist der
erst der niderst / vnnnd bedewt demü
tikait des hertzen Der ander erstor
benhait leipliches gütz zu süchen /
Der drit ain mit leiden / Der vieret
innige gebeer. Der fünft götlicher
trost Der sechst ist götlich andacht
des hertzen Mit disen noten wirt
götlich gesang volbracht Vnd aus
dise noten sollen all deines hertzen
begir / recht als die saiten gezogen
werden vnd gedönt sein / So mag
sich der gaist in godes süßikait me
ren / in allem lust vñ freuden.

Wöcht ain mensch fragenn /
seind nun nitt alle ding verpracht /
das d mensch fürbas hatt alle ding
überwunden So er auß Egipten
land kommet oder komen ist durch
das mor diser welt

Ist ir wissen Nain / wan
d mensch müß drey außke
re tün / d erst von egipten
diser welt Der ander vñ der wüstin
sein selbs Der drit vñ der wüstin
sein selbs / über den iordan / in das
gelobe land.

Sprecht ir aber / welcher be
darff des grösten vleys?

ercket / die geschriß beweist
in das / wan die juden zugen
von Egipto in drey tagen /
Aber durch die wüstin / müsten sy
wol vierzig iar züchen / Da bey ir
wol merckent wie lang der außker
von imselbs weret
Sprecht ir ich vermainet es solt ge
nüg sein an dem:

Nain / ir solt wissen Ee das
volbracht wirt das der mensch den
iordan sech wider bergs luffen vnd
sein wasser nit meer in das rot mor
gang So müß er vor manig iar in
der wüstin / sein selbs wonen **Wan**

R

Ir wissent wol / wenn ain mensch in der welt gelebt hat vnd sich dannen löset / vnd denn in sich selber siche. So vinder er anders nit / dann ain dürre vngebaute wüstin / vnd vinder sein hertz vol vncrautes / vol gewürms vol böser gewonhait vñ arger wüßlicher pild. **L**e das nun ayner durch die wüstin komet mit ayner ganzen ersterblichait alles natürliche gesüches. **S** wie vil zeit gehört darzu. **S** was müß der mensch in diser wüstin beginnen / anfahen vñnd erleiden. **S** wie müß er in imselbs umbkreyssen o was müß er stilligens tun / was müß er hinder sich gan vnd den wider für sich. **L**e das er kommet durch dise wüstin / vnd was müß er hirt vnd költin vñnd elends bestan vnd den empfinden gottes beystand vñ himelische trostung vnd den auch üsserung vnd fremdheit als ob er von got verlassen sey. **N**un das ir aber nit verzagt / so will ich euch fürbas sagen wie got mit seinem volck / so wunderlich vñ so väterlich würcket in der wüstin. Als er auch thün will mit allen den die sich in die wüstin wogent.

Solt wissen / das die saul des wolcks aber fürbas gering / drey tage waid. **D**arumb die kinder von Israhel der das was sechsmalen hundert tausent man / über die zwanzig iar / on frauen vñnd kind / die zugen der saul nach von dem rotten mörd drey tag waid in die wüstin / vñnd funden kein wasser zütrinken. **D**o kamen sy gen Marath vñnd funden wasser das was ser bitter / das weder sy noch ir vich / das wasser mochten drincken. **V**ñnd da wurden sy mürmelen vñnd vast vngedultig werden

vñ gerau sy das sy ye auß Egipren waren komē. **D**o nam Moyses ain holz / das was von art bitter. **V**ñnd warff das in das wasser. **D**o ward es zühandt süße zütrinken. **D**arumb do sy gedruncken / do zugenn sy gen Helin / vñnd funden zwelff prunnen vñnd da by sibenzig Palm paum / da schlugen sy ir hütten auf bey dem wasser. **W**as wolt got hie mit bedewten / dann allain / das die menschen die in das gelobte land wöllent komen vñnd geführt werdn. **W**en die in die wüstin ir selbs drey tag in ir kreffe kerent / wie woll sy nun da frölich hand gesungn / vñ mitt begierd hand got gelobt bey dem mörd. **S**o wirt in doch alles wasser hailliger andacht vnder zogen. **D**as sy so dürre werden / das sy verdriffen zü beeten / zü wachen / vñnd aller tugentlicher würckung vñnd übung / vñnd beschicht denn offte / so sy toch zü wasser komet / als zü dem prunnen des hailligen Sacramentes / oder sich gebenn zü beeten oder ander tugenden das in das wider zäm ist vñnd pietet. **V**ñnd kein begir noch engündung in yn selbs vñnd denn künd sy dick / als die iuden / **V**ñnd hebent an zü murmellenn wider alle die / die yn hand von der welt geraten / vñnd rewt sy das sy die welt ye hand verlassen / vñnd sprechend denn zü imselbs. **D**u wondest wenn du die welt lieffest / das dir als woll mitt gotte wurde / vñnd das dir tugent als süß wurden vñnd wären. **N**un empfindstu weder gottes noch kainer süßheit der tugent vñnd hast baldents halb verloren die welt / vñnd auch got / vñnd komet denn offte der mensch dar zü / möchte er vor got oder der welt / er kerte wider in Egipren

der Juden

von Egipto

land Ach so solt der mensch so gar gedultiglich sich in die durre vnnd in das ellend lassen / als es der herr wolt / mit ainem gütten vertrauwñ Vnnd wen jm / also bitterkait begegent So solt er das edel bitter holtz Des hailligen Creützes vnd des leidens vnser herren Jesu Cristi für seine augenn spannen vnnd gedentcken / wie er so gar auß grosser lieb vnd ynnikeit an dem holtz des creützes hat gelitten Vnd solt der mensch sein leiden vnd sein Ellend messen gegen dem leiden vnser herren Jesu Christi So sach er das sein ain gen leidenn / so gar klain ist weder das leiden Christi Vnd das solt im sein leidenn süß machen Ir solt auch wissenn wie bitter das wasser des móres ist So wirt es doch süß von dreyerlay sach wegen Ain sach ist die / wenn das wasser durch die aderen des ertrichs rinnet Die ander so die Sun das wasser auff zeucht Die dritte / wenn man das bitter wasser in Junckfraw wasser setzet / so wirt es süß Also soll der mensch sein gemüet aineweders einsetcken in das ertrich der tieffen die müritait So tüt jm kain leiden wee oder aber er sol es auffserhebenn zü den Ewigen frewdñ / der er wertig ist Vnnd Also nach der sumerlichñ sunnen ewiger sallikait gedentñ / so wirt jm alle arbeit (wie bitter sy ist an ir selbs) süß vnd angenam Vñ ob es jm nit genüßsam hilf gibe / so sol er sein bitterkait in seinem glass setzen in das junckfrawen wasser / das ist in das leiden des rainen junckfrawlichen leibs Jesu christi / vñ wie er so gar in grosser bitterkait gestanden ist Vnnd also soll jm billich alles sein leiden süß werden vñ leicht als den iuden beschach Do in

das bitter wasser süß ward / Also tüt gott Allen seinen lieben frainden / das er in alle ir ellend vnnd bitterkait in freud vnnd lust wendet / vnd ordnet Wenn nun dem menschen eriebnuß etwan vergeet So wirt denn der mensch in der ellenden wüstin gefürdt zü zwelf purnen Das sind / die zwelf frucht des hailligen gaistes Davon Sanctus Paulus schreibt / Denn so vindete der mensch die edlen Palmpaum Die bedewtent waren gesig der vntugend Wann ware züuersicht zü der hilf gottes / macht den menschen fürbas angesigen allen groben gepresten.

Vñ wil ich eüch fürbas sagen wie es in ergieng / darnach in der wüstin / Wir lesen fürbas Do die saull aber fürbas begund zügen in die wüst Do zoget das volt hyn nach Do ward in gebresten des melbs / das sy auß Egipten herten getragenn Darumb begunden sy aber zümurren wider Moysen vnd Aaron / vñ sprachen / warumb haben ir vnns außgeführt Vnd wölte got das wir wider in Egipten wären Vnd do erzaigt in aber gott sein gütin / vnnd gab in das himelbrot an dem morgen Vnnd zü vesper / gab er yn staren so vill als sy bedorfen Davon wurden sy aber gesterckt vnnd zugen fürbas in die wüstin bis gen raphin Do gebrast in aber wassers vnnd wurdenn vngedultig wider Moysen vnnd wolten mit gewalt wasser han Vnnd wolten auch hier mit versüchenn ob gott bey in wär oder nit Vñnd do schlug Moyses zwirund an ain felsenn / der gab wasser in allen voltkomenlich Vñnd do

R ij

Egipten
oyles ain
itter Vnd
Do ward
ann Der
do zugen
den vnñ
ing Palm
hatten an
s wols gen
allam das
gelobt lob
für wñ
r selbs
wie wñ
jungñ / vñ
gelobt by
h alle
oder ygn
das in
chen / vñ
ung vñ
nn off
t / als
Sacro
in beten
in das m
Vñnd kain
in yn selb
id sy dich
ent an
ie / die
den / vñ
hand re
denn in
du die wñ
mir got
ent als
an empf
iner
E bald
vñnd mich
er der
gott oder
Egipten

zähannnd kam das volck Amelech/
 Die amelechiten die begunden wi-
 der sy zustrreiten Do hüß Moyses
 sein hand auff zu den himlen/vnnd
 als lang er sein hend auß hüß so lag
 das volck von Israhel ob Vñ gesi-
 get/Vnnd wenn er die hand nider
 ließ So lagen sy dar nider/Vnnd
 gesigeten jr veind Vnnd darumb/
 do hüben jm zwen sein arm auff das
 waren Aaron vnd Hur Do sy nun
 dissen streit behüben Do zugen sy
 biß an den perg Sinay / Do stünd
 die saul still ain gang jar Darumb
 schlugen sy da ir zelt auff vnnd beli-
 ben da bey dem perg Aber Moyses
 ließ das volck vnnd sein pruder vnd
 die seinen / Vnd gieng allain auff
 den perg in ain duncklin Do redet
 gott mit jm als ain fraind thut zu
 dem anderen/vnd gab jm da die ze-
 hen gebot. ¶ Nun nemet war was
 das bedeuert / Ir wist woll das vil
 menschen noch das tünd als die iu-
 den So sy vonn Egipten ziehend/
 vnd got loben wöllend So getrau-
 wend sy gott nicht gänglich vnnd
 behalten in selbs ymer etwas auff
 enthaltung / das sy nit verderben/
 das bedewt das meel das die iuden
 hetten Da mit sy sich versachenn/
 Vnnd die weil das meel weret Do
 santt in gott das himelbrott nit Al-
 so enzücht in gott das meel seiner
 hilff Die weil das mel irer behelf-
 fung weret Aber do in des mels ge-
 brach / Do santt in gott das himel-
 brott Vnd das geschichte auch gar
 dick das ain mensch der sich vonn
 der welt keret / Vnnd dannochte
 die bildung der welt in seinem hers-
 zenn traget / vnnd jm lustlich ist/
 nach den weltlichen dingen / zuge-
 dencken die er erwann getriben hat
 Die gedancken seind annders nit /

dann das meel vonn / Egipten
 mitt dem sich der mensch dick be-
 hilffet Vnd wenn das meel gebrist
 vnnd auffhöret So gibet gott für
 bas meel das ist das süß himelbrott/
 Also das dem menschen die hymli-
 schen ding werdent schmecken / wile
 du aber wissen / was die starren be-
 deuten / So wist / das die selbenn
 vogel die art hond das sy über mö-
 stiegen Vnd wenn sy müd werdent
 So lond sy sich in das mö- mit ain-
 nem vettach vnnd den anderen he-
 ben sy auß / das sy der windt treibe-
 gen dem land. ¶ Vnnd das bedewt
 wenn der mensch von seiner tranck-
 hait wegen nit mag aufgezo- sein
 in seiner andacht / so soll er sich her-
 ab lassen in zeitlich ding / die doch
 nit wider got seind / vnnd in nit ir-
 rent an den genaden Wan also sol
 sich der mensch nymer gar absenck-
 en in die zeitlichn ding / das er bay-
 de fectach darein senck / sunder das
 ain soll auffgericht sein / mitt aller
 zeitlicher übung in gott vnnd al-
 lain leben nach der leitnung des
 hailigen gaistes So treibe in den
 der wind zu dem gelobten land / zu
 der ewigkeit da er rüen soll Wenn
 nun der mensch sich disser ding al-
 so vleisset So beschicht gar oft das
 er in vngedulter vallet / vnnd mur-
 melt wider sich selbs / vnnd zürnet
 wider die lewte / vnnd offer vill mer
 dann do er in Egipten was disser
 welt / Aber doch so ist es mir ain
 böses zaichen / wen üppige lieb-
 vnnd zeitlicher trost machen den
 menschen gedulzig / vnnd gürtig /
 vnnd solich gedulckait komet offer
 vonn grossen gebrestenn / vnnd ist
 nit zu loben / voraus / So der men-
 sch ist dauon gekert / vnd ye mer er
 sich dauo wendet / so wirt d mensch

der Juden

von Egipten

offt von klainem ding gar liederlich vngedultig / darein lasset in gott vallen gar offt von grosser lieben wegen die er zu im hat / das der mensch also lern erkennen sein aigen gebrechenlichait / vnnnd Franchheit Vnd ist ain klainer gebrest / so er dauon kompt Nun beschicht dann fürbas / das im offter einfelt das er gern wissen wölte / ob gott sein dienst genam wären / Dar zu hett der mensch gerent vill wassers begirlicher andacht / denn so soll der mensch got nit versuchen vnnnd soll ain trawen zu im habenn Vnnnd soll denn thun als Moyses / so im wasser der andacht gepusket vnnnd soll das Creutz zu im nemenn vnnnd an sein herzes verstainedes hertz schlahenn / das ist / wenn der mensch in laikait wät vnd in höritait / so soll er sich der ding vleissen die im widerzäm sind / vnnnd seiner natur ain Creutz Vnnnd so er sich mit dem Creutz also peinniget So würt sein höritait mit dem wasser hailliger andacht / fließen Vnnnd wenn das wasser kompt / so kompt denn der böß gaist mit seinen bößen bilden / vnd sendet aber sein diener zu dem menschen / das der mensch fast angefochten werd / denn so soll der mensch Als Moyses sein hend auffheben vnnnd sich zu ernstlichem gebete keren / mit dem so mag er allen seinen veinden angesigen Vnd ist im dann sein gemüte züschwar zübeeten / so sol er zwen bey im han die im sein arm seiner begird auffheben Das ist betrachtung ewiger frewd mit erostung die zü bekomen vnnnd betrachtung ewiger peini die zü empfiuchen / oder die zwen seind ainikait / vnnnd diemürtikait Wan die helfend das gebete volbringen /

vnnnd lasset er dann sein gebete nit vnderwegen / ob es in halt saur ankomet so fürer in denn got aber fürbas an den perg Synay / da er in seinen willen in den zehen gebotten offenbarer mit dem er gelert wurde wie er sich haltenn soll in allen dingen / Das im aber die lauttere offenbarung geschehe götliches wilens / So muß er als Moyses thun vnnnd muß das volck / vnnnd sein geschlecht / vnnnd sein Prinder / vnnnd sein knecht lassen vnnnd alle geschaffenlichait / vnnnd muß mit ainem freyen ker / allain auffgeen auf den perg der ewigkait / mit seinem gemüte vnuerbildet / vnnnd muß sich in ain vinsternis thun / vnd in ain vnwissenhait wogen / Da wil denn got mit im redn / als ain haimlich freünd mit dem anderen.

Nun möchten ir sprechenn / wem nun auf den perg nit komn kan wie sol sich der selb halten.

Ist das der selb soll Im selbs ain hütten pawenn hieniden an dem perg als die Juden tetten / wölte ir aber wissen was die hütte sey / so solt ir wissen / das das ain hüt ist / so ain mensch in sich selber gat / vnnnd gottes willen wartet / Die ander hüt ist / so ain mensch in im selber sein gepreßten / vnnnd sein verlorren zeit betrachtert / Die dritt hüt ist / so ain mensch das edel leben Jesu chrisi betrachtert vnd sein würdigs leiden / Die vierd ist / so ain mensch den ewigenn frewden nach gedencet / Die fünfte ist / so ain mensch lautter vnstraffenhait seiner gewissen in im selbs vinder Die sechste ist / so ain mensch der süßkait gottes

R ij

Non

in im selbs empfindet / Der hüteten
soll der mensch aine im selbs pau-
wen vnnnd darinnen wonen ob in in
ainer verdreisset / so soll er geen in
die anderen / Das er recht bey den
hütten vñ bey dem perg beleibe.

Die histori.

In solt ir wissen fürbas
n auß der geschrifft / do Mo-
yses auß dem perg was /
viertzig tag / Do ward das volck
verdriessen vnd hetten gern etwas
aufenthaltung gehebt vnnnd warn
noch der pildung vol von Egipten
land Darumb wolten sy nitt enpe-
ren / yn müßt Aaron ain abgot ma-
chen Vnnnd darumb gaben sy dar /
golde vnnnd silber / vnnnd ander ire
clainatt / Das sy ainen abgott ma-
chten vnnnd viengen an vnnnd dantz-
ten vmb den selbigen abgott / vnnnd
assen vnnnd druncken im züetrenn /
Vnd do nun Moyses ab dem perg
kam / vñ des abgotz gewar ward /
vnnnd den abgott zerprach / vñ das
übell strafft / vnd die vñ Er got-
tes rach / Do erschlug er / mitt der
hilff leui des geschlechtes / der die
da schuldig waren / bey drew vnd
zwainzig tausent man vnnnd frau-
wen / vnd zerwarff auß zoren die ta-
felen der gebott gottes Vnnnd dar-
umb gieng er wider auf den perg /
vnnnd was da verzig tag Do wur-
den im aber die gebott in geschrifft
gegeben Vnd als gott vermarckt /
das das volck was genaigt / auff
abgote vnd sichere ding / vnd er-
was auffenthalte wolt han / Dar-
umb hieß gott machen die hailigen
arch vnd den tabernackel vnd wen
sy das gemachten / so solten sy da
mit ziechen durch die wüßt / vnd lee-

Demantsgang

ret da den Moyses wie Aaron solt
beclaidet sein Vnd zwelff stain vor
seinem hertzen tragen vnnnd glöck-
lach vnden andem kelch hangen an
seiner stirnen Vnnnd wie er ein solt
geen in die hailigkeit der hailigen /
vnnnd pitten für das volck Er hieß
in auch zway silberinne horen ma-
chen / vnnnd ir paner oder fanen bes-
raitten Wann ain iertlich geschle-
cht für ir besunder bannet / besun-
der gesebet / vnnnd ain Racionall /
das der oberst priester / Aaron vor
seinem hertzen trüg Er hieß sy auch
ain rot rind Priemen Vñ die asch
behalten / Darumb Wenn sy den
aschen in ain wasser wurffen vnnnd
sich da mit besprengten das half yn
für ir gepresten Do sy nun die ding
alle bereit hetten Do was ain ganz
iar vergangen von dem tag Do sy
an den perg Synai waren komen /
Do hüb sich aber die saul auf vnnnd
gieng fürbas in die wüstin.

Wöchten ir nun sprechen wie
was der tabernackel vnnnd die arch
in im selbs geschaffen.

Solt ir mercken zü dem er-
sten / von der arch / das an
der hailigen Arch sechß
ding waren Das erst / sy was von
sechim holz gemacht Vnd das selb
holz ist der natur / das es nymmer
erfaulet noch verprümmer Das an-
der / das sy aussen an vbergült was
Das drit / das ain gulden tron dar
auff stünd an dem ende. Das vierte
das ain guldin tafell dar auff stünd
Das fünft / das ain guldin Sera-
phin zü der gelincken hand was der
hielt die tafell auff Das sechß / das
ain seraphin zü der gerechten hand

stünd vnd da die guldine tafel auff
hüb Die zwen Engel warn also ge
schicket / das sy mit beykerendem
anclütz ainander ansachenn / in die
guldin tafeln vnnnd ir ierweder hett
seine verrach außgespannen Als ob
er fliegen wolte Vnnnd ir ierweder
hett ainen fuß auf gehebt als ob er
geen oder springen wolt.

Von dem Tabernakel solt ir
wissen das er also geschaffen was/
das er getaile was in zwen tail Auf
zehen Ellen lang was er behenket
mit seiden / vnd gedorst nyomande
dar ein gan dan der oberst Prieſter
Darnach was er zwainzig Ellen
lang vnd da mochten ander priester
eing een altag Vnd im selben taill/
stünd ain guldin altar / da die pite
ster mit iren guldinen ranchfassen
umbgiengen / vnd stünd auch ain
guldin kerzstall darinne / mit sibem
lucernen / vnd was der tabernakell
bedeckt mit heütten vnd mit seiden
tücheren Vñ außwendig / stünden
woll sibenzig saüll / dar vmb warn
seideny tücher angehenckt vnd zwi
schen den seüllen vnd des taberna
kels stünd ain Erin altar / da was
das feür inn das da pran on vnder
laß vnd von dem himel herab kome
was / vñ auff den selben altar / op
fert man auff die oschen vñ die böck
vnd ander offer.

Die gaislich bedeutung.

Scht ir nun sprechen was
m bedeutent die ding **E**r
solte wissen Wie gar dick
geschichte / das ain mensch der sich
auß wendig von Egipto keret vnd
reü gewint / das in gereüwert das
er sich hat von der welt geschaiden
Vnnnd gewinnet ain verdriessen so

sich gott im etwas entpfremdet
Vnd denn so gedennet er nach dem
bilden / vnnnd abgötten / so er dann
gesehen hatt in Egipten / vnnnd
gedennet wie ist den so woll / vnnnd
was haben sy geluckes die in Egi
pten lantid lebend / vnnnd sich mit
welcher lieb vnnnd kurzweill er
gerend / Du magst nite also ver
derben / Du solt dir selb ain abgot
machen / vppiger lieb in / vnnnd val
let denn der mensch dick so in groß
begird vppiger lieb in / das er gern
sein silber vnnnd gold dar würffet /
das er ettwar hab in vppiger lieb
mit dem er sich ergeret / Vnnnd
wenn das beschicht / das er im selb
ain guldin kalb machet / So wer
dent die taffeln der zehen gebote
zerbrochen vnnnd zerworffen / vnnnd
wirt gott so schwarlich erzürnet /
das oft dem mensch sein leben /
wirt gekürzet / Vnnnd im gott ge
sunthait vnnnd alles geluck vnder
zeüchet Beschicht aber / das er im
das guldin kalb zülieb lassent wer
den / das ist ain zaitchen ewiger ver
damnuß des menschlichen / Wie woll
auch der mensch durch schuld mag
hie gestraffe werden / das sein übel
hie an facht / vnd dort ewiglich we
ret / Nun aber (wie dem allem)
so ist got also güte / wenn Moyses /
das ist / des menschlichen ernstlicher
vleiß / nach weissem radt / wider zü
keret auff den perg / So wil er im
die zehen gebote wider geben züer
füllen / Vnnnd auch da bey versor
gen / wie er fürhyn ziech durch
die wüstin / Vnnnd dar vmb haisset
er yn die arch machen vnnnd den ta
bernackell beraitten / Das er sich
da mit behelff in seiner krankhait
**Die guldin arch bedewtet an
ders nite / dann ain beschawend**

R iij

Von

leben / Wann in schawenn seind
sechß ding od staffel vñ die werdent
bedewet bey / sechs dingenn die da
an der arch sind / das ist / holtz / gold
ain gulden tron / ain gulden tafel /
ain gulden seraphin / zü der gelin-
cken seitten / ain gulden seraphin /
Zü der gerechten seitten ¶ Das
holtz bedeuñt vermerkung der gesch
öpft / Wie vil / wie schön / wie woll
geordnet Das gold / die erkantnuß
darinn / der götlichen güte / als vrs
sach warumb sy sein Wann sy flie-
sen auß dem aller höchstenn güte
Das erst würckt die bildnerin als
die bildnerin Das ander die bildne-
rin als die vernunfft / Vñnd also
wirt erkennet die Creatur was vñ
wie / vñd warumb / vñnd auch der
himlisch schöpffer / als ain verbor-
gen / schön / mechtig / groß vñd gü-
tes güte / vñnd also wirt das holtz
vergüldet / bey dem tron vermerck
wir den dritten staffel / Wann die
vernunfft auß den dingen verpil-
det gleiche zier vñnd schöne vñsicht
pore ding Als wie schön sey gerech-
tikait in jr selb Was die würkung
der gerechtikait / in dem nebel der
welt solch liecht der eeren gibt Des
gleichen rainikait vñnd ander tuz-
gent götlicher zier Bey der tafel /
die schawung vnnsers gemütes in
liebhabung götlicher zier / der him-
lischenn ding in gottformlicher be-
gerung / da der mensch begir vñd
frewd nympt an jm erfunden vñnd
in jm behabenn die selben ding Bey
dem Seraphin bey der glingken sei-
ten verstanden wir die schawung
die da über die vernunfft ist vñ dem
götlichen liecht allain / als der ge-
laub / vñd haist der Seraphin der
gelinken hand Wann Seraphin /
ist einprinsfikait der lieb Die ge-

Dem aufsgang

linck hand ist disse welt / als der ges-
laub ist / weil wir auß erd sein Dar-
nach besitzenn wir das wir hie gelau-
ben das ist anschawung die diuinali-
kait der person vñnd andere ding /
die wir nach vernunfft nicht erkennen
Seraphin zü der gerechten hand /
oder seitten / ist ain innerlich lieb /
vñnd begir auß himlischem einfluß
der erkantnuß gotz / vñnd aller göe-
licher ding / züniessen / besitzenn / bes-
schawen ewiglichen / Vñd die ding
sind ganz über die vernunfft des
menschenn / vñnd allain auß dem
liecht des götlichen einfluß Doch
geschehen sy nit on die vernunfft /
Wann des menschen gemüet müß
sich auß erheben über sich selbs in
die ding die nit leiplich sind / noch
nach leiplicher gestalt. Welt ir-
nun die arch bawenn / So vñndt ir
vein edell gold in ewch selbs Wann
was der sichteigen oder leiplichen
oder empfindlichen ding / oder also
leiplich erkennelich sind so es in göt-
licher weiß angesehen wirt / also wie
schön vñnd wie güte es ist / so ist es
holtz zü der arch Aber wen der men-
sch betrachtet ewige vñsichtbare
ding / vñnd die gaislichen vñbild-
lichen ding / da bey erkennet / das ist
vein lauder gold / da mit die arch
vergüldet wirt / das ist die arch göe-
licher weißheit Aber die zwen En-
gel / die fünften vñd die sechsten sta-
ffel schawendes lebens Wenn sich
der mensch darein hören will / So
sol er in die gulden tafel sechen / das
ist / sein selbs gemüet Da sichte vñd
schawet er die hohen übereinlich-
chen diuinalikait in jm leuchtrenn /
die so hoch über alle vernunfft ist.
Dar zü soll der mensch die fetrach-
der begir / des außserenn vñnd yn-
heren menschen ordnen / vñd ainm

füß seiner begird auf heben zü sprin-
gen in die höchen vom der welt/
Das der ander füß der bedewtnuß
auch hin nach stieg Das er also bes-
traitt werd zü fliegen in die höchin
der gotthait Vnnd da on hinder-
nuß gefunden werd Nun soll auch
darnach der mensch ain Taber-
nackel machen vnnnd bawen Da die
gulden arche innen stand Dieser ta-
bernackel hat drey tail Der ain tail
was ain kirchoff da das volck inn
stünd vnnnd der erin altar Vn was
der altar vmb schlagen vnnnd vmb-
hangen mit seiden / vnd bedeüt den
ausseren menschen das er sol vmb-
henckt sein vnnnd beschloffen Vnnnd
das er sol auff dem erin altar opffe-
ren haillig übung / des ausseren
menschen / als man dann die ochs-
sen auff dem altar opffert / vnd den
das selb opffer verprant / in dem
feür das von himell kam / Also soll
der mensch sein ausseren menschen
opffern auff den altar hailliger
übung / Vnnnd verpennen in dem
feür göeltlicher lieb in Darnach des
tabernackels vorder taill / was als
ain kirch da v guldin altar vñ das
guldin kerzstal inn stünd / da allain
die priester darein giengen / Vnnd
was behenckt mit heuten vñ mit
sergen vnnnd bedewtet den inneren
vernünfftigen menschen Wan der
ist der vorder taill des tabernackels/
da söllend allain eingeen die got lo-
ben wellend Da soll der mensch ein-
geen alls ain Priester zü dem gul-
din Altar / der in brynstign lieb mit
dem rauchsaß göeltlicher andache
vñ da sich selbs aigen opffer zü ai-
nem opffer mit williger gehorsam
Willens / verstantnuß / vñ gedeche-
nuß / Auch soll da sein das guldin
kerzstal des lebendigen gaiffes / der

erfüllen will was im gott gibet zü
erkennen Daran söllen hangen
siben lucernen / Das seind die siben
gaben des hailligen gaiffes / die söl-
lend allweg pünnen in dem mensch-
en Der drit taill was das hinder-
taill des tabernackels / als ain tor
hinder ainer kirchen / Doch vnder
ainem gleichen dach / da der oberst
priester allain eingieng / vñ bedeüt
den gorwilligen gorgesomten vnd
gorgelbilden menschen Da müß
v mensch allain eingeen ploß / vor-
berait mit zwelf stainen v zwelf rat-
vnser herren Jesu Christi wölche
rade hie nachzülgig ordenlich ges-
schriben seind ¶ Der erst ist wil-
lige armüt. Der ander gedulig ge-
horsamkeit. Der drit ist raine laue-
rerkeit. Der vierde / vnaußschiden-
liche liebe der freünd vnd auch der
feind. Der fünfte / sensmütige ge-
brauchenlichkeit. Der sechste / willi-
ge freywürckende barmherzikeit.
Der sibente / schlechtheit der wort
Der acht / flucht der vrsach / der
sünd. Der neünd / rechte mainung
der werck in gott. Der zehend / ge-
leiche würckung mit der leer. Der
aylffte / nit züvil sorguelig sein in
vnnützen dinngen. Der zwelfte vñ
der letste / liebhablich sein in prüder-
licher straff / Vnnnd auch mit den
glöcklin ains güten lobs vnd ains
hailligen lebens. Vnnnd also zü got
geen Da ist kein lucern / noch brin-
da kein geschaffen liecht / Nur als
lain die clarhait gottes. ¶ Wie
aber der mensch solle eingan / mös-
ckest du wol durch die gesatz / Wie
der priester eingieng mit dem plü-
des lämlins / Das ist / in vleissiger
betrachtung des rosenwarben vnd
kospelichen plüttes Jesu Christi /
Auch sol der mensch aschen aines

Von

rotten rinds han / Wenn er myse
thü das er sich mit der aschen vnd
mit dem wasser dar ein er sy würfet
rainige / Die asche ist nitt anders
dann das der mensch in reu verprie
net was er in lustitait ye gewürct
hat wider got Vnd die aschen soll
er behalten Das ist / das er der sel
ben seiner gebreften nymer sol ver
gessen / vnd wenn er in hoffart oder
in ander gebreftenn vallet / so sol er
die aschenn in das wasser werffen /
der rew vnd sy für sein augen spa
nnen Das ist der hailig Thaberna
kel dar zu ansehenn hond / Moyses
vnd Aaron Moyses ist als vil / als
ernstlicher vleiß züfürsehen alle vn
tugend Vnd wissen alle gepreftenn
vñ auch ordnung der tugent / Dar
umb wen s mensch das in im selber
vinder So ist Moyses da / Aaron
ist als vil gesprochen / als ain einker
zü gebeet vnd ain anrüffer gottes /
Necen wir die zwen fürer So für
ren wir gar sicher durch die wüstin
vnd wenn der mensche misserait von
seiner krankheit wegen So soll
Moyses bereit sein züpeinigen vñ
festigen / vnd die gebot gottes her
für ziehen / vnd den zoren gottes
stillen Vnd wenn dan dem mensche
en von seiner krankheit wegen ge
präst vnd im die ding züschwar wöl
ten sein / so sol Aaron der anrüffer
gottes hilfflich dem menschen sein /
Wenn auch der mensch misserhüt
So sol zühand Aaron eingan vnd
got bitten für sein krankheit Der
sällig Aaron andacheigis gebettes
vnd auch Moyses ordner s tugent
sollen auch opffer bringen / auf den
andern außeren altar der erin was
Das ist / der außser mensch sich sel
ber opfferen / mit fasten / vnd mit
wachen vnd mit peinigen des lei

Dem außgang

bes Darnoch sol aaron gen züopfe
ren auf den innerñ guldin altar vñ
dar auf opffern / das opffer des in
neren menschen / das ist seüßzende
begird vnd iamer des herzen nach
ewigem lebent vnd nach tugentrei
chem würctñ / die dem inneren men
schen zü gehörend **S**o nun der
mensch das alles in im vinder / den
sol er zwü busaunen machñ / die al
lem volck zusamen rüffen / Die ain
ist forcht des lungsten gerichz / die
busaun ist also greilich vnd ersch
rockenlich / Das der lieb Hieroni
mus sprach / ich eß oder trink / ich
schlaff oder wach So hilde mir in
meinen oren die stym Stond auffir
todten vnd kompt für gericht Die
ander busaun ist / die vngemessenn
barmherzikait gottes / Die vnns
soll alzeit rüffen in vnseren oren /
komend alle vnd essend mein brott
vnd trinket den wein den ich eüch
gemischer hab Das ist / komend vñ
würctend vmb den ewigen lon mei
ner erbermd Darnach soll auch s
mensch zü allen zeitten sein vannen
vor im tragen des hailligen Crüz /
das er von Christo vnd vonn sei
nem lieben diener vor getragñ wer
de Das Crüz Jesu Christi ist sein
leben / der vann die pildung seiner
tugentreicher werct / das sol vnns
allweg vor gan / als er auch zü Mo
ysen sprach Sich an vnd thü nach
dem Exempell das dir gezaigt ist /
auff dem perg Vnd also mag der
mensch frölich ziehenn durch die
wüstin / So er das alles hat gema
cht vnd also bereit vor im vinder.

Wie sy von dem perg zugen.

In will ich ewch fürbas
n sagen wie sy do zugen von
dem perg / wann do sy ain
iar da lagū do hab sich auf die saul
vnd ging fürbas in die wüstin drey
tagwaid ver: Zū dem anderen hü-
ben (die von dem geschlechte leui wa-
ren geboren) die hailligen Arch vñ
trügenn sy drey tagwaid nach / ee
das das volck hin nach kam Vñnd
namen zū in die saullen / vñnd was
zū dem Tabernackel gehort / vñnd
trügen das mit in Also das etlich
er trüg ain saul / etlicher ain rauch
uaf / etlicher die sergen / etlicher
den guldin Altar Zū dem drittenn
zoch das volck nach drey tagwaid /
das sy nit gerüweten durch die wü-
stin bis das sy kamen an die stat die
sy hießen darnach / die greber der
begir Wann sy wurden da mur-
mellen von arbaite die sy da hetten
gehabt mit lauffen vñnd mit tra-
gen Davon kam ain feur des zornn
gots / das ir vil sturbū von der sünd
irer begird wegen Vñnd darumb
zū dem vierden wie woll sy das hi-
melbrot hetten / Doch ward sy gelu-
sten vlaisch züessen vnd sassen nider
auff die erd vnd sprachen / wer gibe
vnns flaisch züessen Wir gedenken
an die visch die wir vergebens het-
ten in Egipten vñnd komend in vn-
seren syn die kirpsen vnd lauch vnd
zwiller das wir in Egipto hetten /
da vnns so woll was / Ach was ha-
ben wir vnns selbs gezigenn / das
wir ye auß Egipten sein komen / vn-
ser leben ist hie dürr / vñnd sechem
anders nit vor vnns dann das hi-
melbrot Des ward vnser herr er-
zürnet vñnd er hoire ir begir in zor-
ne / vñnd sant in staren so vill vñnd
so lanng / bis das sy in widerzām

würdn Zū dem fünften vieng Ma-
ria Moyses vñnd Aarons schwe-
ster an zūmurmellen wider Moys-
sen vñnd hinderredt ym Darumb
das er bey seiner frawen nit wolte
wonen / vñ das er dem volck so hört
was Darūb schlug sy got mit feld
süchtikait das sy sunder siech ward
Aber Moyses bat got für sy Dar-
umb macht sy gott widerumb ge-
sund Aaron ward aber nit geschlä-
gen / wie wol er auch murmelt / das
rette got von wirdikait wegen der
priesterlichait Zū dem sechsten ka-
men sy do fürbas in die wüestinn /
Pharon / vñ schickten da auß vort-
yglichen geschlechtū etliche / die sol-
ten beschawen das gelobte land wie
güt es war vñnd wie güt früchte in
dem land wāren Vñnd die kamen wē-
derūb nach vierzehen tagen vñ pra-
chten ain trauben so grossen das sy
in kum mochtū getragen an ainem
psal / vñnd brachten auch granat
öpfel vñnd veigen / vnd lobten das
land vnd sprachen / es fleüßet alles
von honig vñnd millich Do sy nur
das land woll lobten Do sprachen
sy vor allem volck / das land ist edel
aber es ist streitbet volck darin / wir
haben da gesehen risen / vñnd ee wir
in das land komen so syn wir alle
ertötet vñnd mügen es nit gewin-
nen Do waren zwen vnder in Ca-
leph vñnd Josue / die zwen tr osten
das volck vñnd sprachen / Es war
das land mit gottes hilff wol zū ge-
winnen Do sprachū die anderen / es
war vnmüglich zū gewinnen vñnd
erschrachten das volck seer / das sy
wurden wainen / das sy auß Egipten
waren komen / vnd ward sy seer
gerüwen vñnd wurden murmelen
wider Moysen vñnd Aaron vñnd
sprachū o was haben ir vns gezigū

Das ir vns ye auß Egipten gefür
ren Vnd wurden so gar vmmüdig
das sy von zorn Moysen vnd Aa-
ron wolten haben versteiniget Sy
wären geren wider keret in Egipten
Do kunden sy des weges nit vñ
hettten auch kein hauptman der sy
wiste in Egipten züführen / Vnd
darum sprach sy / waffen vñ wez-
wären wir tod das vnser arbeit vñ
elend ain end heet / wir müssen doch
täglich hie verderben / ist nit besser
wir kerenn widerumb in Egipten
land / vñ lassen vnder vns ainem
herzogñ vñ fürer setzen der vnser
hauptman sey vnd vns widerüb in
Egipten füre Do viellen Moyses
vñ Aaron nider für vnsern herren
vnd batten in seiner gnad / vnd ba-
ren für das volck Wan got was al-
so erzürnet das er das volck wolde
vertilget haben war Moyses vñ
Aaron nit gewesen / von der geheet
ward er milder Doch schwür er dz
ir kainer nymet in das gelobe land
kam dan allain Caleph vñ Josue
aller der die über zwainzig iar wa-
ren / vñ schwür das sy solten vier-
zig iar in der wüstin weislos hin
vñ her ziehen / bis das sy sturben /
doch mainet got da nit Moysen vñ
Aaron Wann über die was er nit
erzürnet Darumb do das geschach
do gingen sy vierzig iar in der wü-
stin vmb kreisen / hin vñd her / bis
ainer nach dem anderen starb.

Was nun das bedeyt sölle / ir
mercken / weñ ain mensch ist auß-
wendig von Egipto geschaldñ / so
werdent im dann die gebot gottes
fürgehalten / weñ das beschicht so
sol der mensch warnemen / wa die
saul des hailligen glaubens hin-
gang ob stille stand / da sol er auch
sich hin wenden vñd still stan / vñ

wenn sy fürbas gar vñd den mens-
schenn also in sein selbs wüstin wei-
set / da vil dornen vñd prömen seind
böser verpildung vñd böser gewon-
hait / weltlicher vñd wilder werck.
So soll auch der mensch hinnach
durch die wüstin / sein selbs ziehen
drey tagward Die ain tagward ist /
ansehn sein selbs gemüt des einwen-
digen menschen wie gar wüst vñd
wild das ist. Die ander tagward ist
ain ganz miswallen der gebrechen /
oder der sünd. Die dritte / ain gange
begird ledig zü werden der bild vñd
gepresten. Zu dem andern so er
also will durch die wüstin ziehen.
So soll er ymer etwas helfen tra-
gen / wan so sich ain mensch verbin-
det lustlich ding zeuermeiden So
trage er ain saul. Aber so ain men-
sch sein außwendig synn bedeckt so
trage er ain sergen. So er innwen-
dig ernnst hatt in lautterem ker zü
got So trage er den guldin altar.
So er gern in geheet ist / so trage er
ain rauchwass / wenn er sich vleissi-
ger übung über in den saligtären /
das ist ains armen willens / gütig /
klagig / recht / begirig / barmher-
zig / fridig / lautter / gedultig / So
trage er das guldin kertzstall mit
den siben lucernen / das ist / mit den
siben gaben des hayligenn gaists.
Vñ so er imselber abpücht so trage
er die heüt d' todten vich / damit der
thabernackel was bedeckt. Also soll
d' mensch ymer etwas tragñ durch
die wüstin / vñd hiebey so nemene
war / was ain yeglicher trag nach
dem vñ gemeldet ist in disem stuck.
Zu dem dritten so beschicht denn
gar dick so ain mensch etwas ge-
tragen hatt / vñd sich etwas übung
angenommen hat / das in denn der
übung verdriesset / vñd hebt den an

der Juden

zu murmellen / vnd gedencke wie ist
das so gar ain horte lebni / wie ist dir
gott so horte vnd so vnheimlich / er
acheet dein nitte / vnnnd waiste auch
vmb dich nitte / vnnnd lassete denn der
mensch dick sein haillig ubung vn-
derwegen Darnach zu dem vier-
den So der mensch on ubung ist /
So steet denn zuhand in im auf pie-
terliche vnd wildlich begir Vnd be-
ginnet im widerzam zu werden vnd
sein / das lebendig himelbrot des hai-
ligen Sacramentz / vnd begint den
selten darzu gan / vnd vachet denn
an lusslichn zu gedenccken nach Egi-
pten land / vnnnd spricht zu im selbs
Ach wie was dir so woll / do du in d
gesellschaft warest / vnnnd do das /
vnnnd das beschach Ach wie bist du
nun so gar beraubt alles trostes /
vnnnd mußt nun also verderben Ach
sehest du noch in Egipto land auff
den haffen mit fleisch / da hettest du
zweifell vnd knobloch / Was ist der
knobloch vnnnd zweifell vnnnd das an-
der / dann allain leiplich vnd welt-
lich begir / vnd kurzweil / vn schön
hait / vnnnd eer der welt / Wann die
blendent vnd plaet in hochfart / den
menschen die inneren augen / vnnnd
plaent auf den leib vnd bekerencken
vnnnd machend yn kalt Also sollich
gedenck erkeltent des menschn herz
an aller göttlicher lieb vnnnd beschie-
che den oft das der mensch verleu-
ret alle sein begir zu gott / vnnnd ge-
winnet lust zu allen zeitlichen din-
gen vnnnd sücht denn hin vnd her et-
was kurzweill Vnnnd so das got er-
sichte So wirt er erzürnet Das er
oft vnnnd rechtem zorn / lassete dem
menschn seiner begir genug gesche-
en Das sind die staren die er in zorn
ne sendet den iuden / do yn das hy-
melbrot widerzam was Aber doch

von Egipto

41
soll der mensch ymmer begnad wer-
den So komet aber gott / vnnnd sch-
lecht den menschen mitt leiden / vnd
mit crucken / das im alle kurz weil
schwar wirt / vnd das tüt got auß
grosser lieb / vnnnd das der mensch
zu im selber kum Vnd also fürbas
in sein selbs wüsten ziech Zu dem
fünften So beschicht es auch / das
ertlichen widerzam ist das Sacra-
ment / vnnnd doch nitte begir hat lust
licher ding / Doch so valler er in sol-
lich heretikait / vnnnd vrrailet ande-
re menschen vnnnd schazet sy böß /
vnnnd sich selber güte / wenn die nitte
tünd als im geuolt / vnnnd darumb
so werden sy so hart geschlagñ von
gott Als Maria die schwester Mo-
ysi die veldsiech ward Also werden
sy abgeworffen von inselbs vn auß
inselbs Vnnnd wirt in gott vill vn-
heimlich / das sy sich von not müß-
sen erkennen / in iren aigen gebrestn
Aber Moyses weiser rade / leere
vnnnd das wir vleislich sollen pittn
für die / die vns vrraillent vnnnd nitte
wider sy zürnen Zu dem sechsten
beschicht gar dick / so der mensch
sicht wie gott oft richtet vnnnd pei-
niget / die in erzürnend / vn er sichte
da bey falsch vnnnd üppitait / vnnnd
vnsterikait der welt / vnnnd das me-
niges so sorglich in der wüstin diser
welt stirbt / der sein leben mitt herz
hart keret zu dem ewigen land / vnd
begird hat nach der fröd / vnnnd süß-
sikait ewiges lebens So spriche er
in betrachtung zu ym selbs / Ach
gott wie mag die wunn vnnnd ymer-
werende fröd so groß sein D wiste
ich wie es da gestalt war / vnnnd ge-
schaffen Vnd so der mensch allain
darnach betrachet / Das ist nach
den ewigen freuden / vnnnd im wer-
dent fürgehebt / die frücht des lan-
L

Von

des vnd d' edel traub der menscheit
 Jesu christi vnd wie der aufgedur-
 cker ward in der kälter des bitteren
 leidens / dauon im d' wein aller süß-
 sikait ist kommen / vnd auch wie die
 menscheit Christi von würckung
 des hayligen gaists ist komen über
 natürlich Darumb es wol haisset
 die frucht des hailigen landes / vnd
 dabey wirt im dan auch gezayget
 durch betrachtung die feigen / das
 ist / sein süsse gottheit / vnd Granat-
 äpfel seiner seel / darin als in Gra-
 natöpfeln seind vil kömmlin der tu-
 gent vnd der gnaden Vnd wen das
 beschicht das Caleph / der was von
 Judas geschlecht geboren / vnd be-
 deutet ain freudenreichn liebhaber
 Vnd Josue der von Josephs ge-
 schlechte geboren was / vnd bedeütet
 weise vnder schid / das land wol lo-
 bent dannen die edlen frucht komet
 seind So komet den vil ander vnd
 erschrecken den menschen vnd spre-
 chen / das land ist edel vñ güt / aber
 wer darnach leben will / der müß so
 groß arbait vnd leiden haben / das
 er ee zeit stirbt / vñ verleürt sein syñ
 vnd wirt zuspott / vñnd doch hinden
 nach so müß er ablassen / vñnd so er
 es lanng treibet so wirt er eben alls
 wol verloren alls sunst / ob er gleich
 der welt lebte / gott empfacht doch
 den sündler an seinem end Vnd ma-
 chent den weg der tugent denn alls
 schwär / das der mensch erschriekt /
 vnd hebt an zu zweifeln / vnd gereüt
 in den dick / das er ye auß Egipten
 diser welt ist komet / vnd wirt denn
 hassen alle die / die im ye gerietten
 auß der welt / vnd beschicht den offte
 das der mensch weiß vnd weg be-
 denckt / wie er klügklich vnd mit et-
 was zymlichait wider in die welt
 vnd kurzweil der welt komet müß

Dem aulsgang

vnd nit also verderb / vnd gebüß in
 dick amders nit dann welt scham /
 künd er nit vor welt scham er kame
 gern wider in Egipten / vnd so be-
 schicht denn dick / das er im üppige
 liebe fürsetzt / darin er maint in sel-
 ber wider zu freuden helfen / vñ den
 so wirt got so schwärlich er zürnet
 das er dick sein gnad von dem men-
 schen keret / vnd das er in in der wü-
 stin lasset verderben / vñnd schwere
 das er in das hailig land nymmer
 kum / vnd ist denn Moyses / das ist
 fleißiger ernst / vnd Aaron / das ist
 gebet in fleißiger andacht nit in dem
 menschen / so wirt der mensch ganz
 getilget von dem lebendigen büch /
 vnd laßt im got den Egipten land
 zu lieb werden / zu seiner ewigen ver-
 damnuß Aber so die in dem menschen
 seind so wirt der mensch in sich selbs
 geschlagen / vnd bekennet sich denn
 gegen got / vnd so miltet got sein vñ rail
 vnd lasset aber den menschen hin vnd
 her kreysen vil jar in der wüstin / da
 er sunst in kurzer zeit durch komet
 war / vnd geet denn der mensch in die
 wüstin seinelbs für sich in tugendn /
 den hinder sich in gebresten / vnd den
 aber für sich so er tugent übet / vñnd
 denn aber hinder sich so er gebresten
 würcket Also stirbt manig mensch
 in der wüstin in den vierzig jaren

Ain nordürstige vnd nützliche frag-
 öchten jr nun fragen / wirt
 m den sy all verloren die in der
 wüstin in den vierzig jaren
 starben : Mercket / Ain /
 wann jr vil bekanten sich gegen got /
 vñ gaben sich güttlich in das ellend
 das sy litten / vñnd hetten reuñ vmb
 jr vnwillen / vngedult vñ murmeln
 vnd erkanten jren gebrechen vnd bet-
 ten got vmb gnad / vñ darumb ward

er vill behalten Doch so vergunde
got allain den zwayn Josue vñ Ca
leph vnder sechs malen hunder tau
sent die waren gewesen über zwain
zig iar / in das gelobe land lassen
kommen Zu ainem zeichen das der so
wenig / vñnd lüzsel sind die zu dem
ewigen reich kommen werden vñ der
souil die da werdñ verdamnet.

Sprächent yr aber / wes begi
engen sy sich die vierzig iar in der
wüstin / od verließ sy gott gänzlich
vñnd keret sich von in.

Rsölte wissen / wie woll sy
got hetten schwarlich erz
ürnet / mit dem das es sy
oft geraw / das sy auß Egipten wa
ren komen / vñnd so oft vñnd dick ge
ren wider warn gefaren / doch wenn
sy die begir nie zu wercken brachten
Vñnd ye in sich selber wurden gesch
lagen Darumb tere in got genädig
lich vñnd wolt sich nie von in keren /
hierumb beweiset er inen seiner lie
bin vil in den vierzig iaren / Auch
sölte ir wissen das si die saul allzeit
hetñ / die gab in bey dem tag schatñ
bey der nacht liecht Vñnd auch das
himelbrot vñnd die hailigñ arch / vñ
Moysen vñnd Aaron bey ynen vñ
die batten ye für das volck / wenn sy
von krankheit in gebresten viellen
darzu würdñ ire claid nye ale noch
zerrissen vñ wüchsen an den kindñ
als die kind wüchsen Darzu besch
irret sy got vor iren vñnden Auch
leeret sy got durch Moysen Das
sy ain rotte kü verpranten vñnd die
aschen bey in behielten vñnd wenn
sy in gebrechen viellen / so sölten sy
sich da mit rainigen Also tüt gott
noch heit / das er den menschn nie
will lassen / der auß Egipten komñ

ist / wie wöl es in dick gerewet / wenn
er nun fürhebe die saul des gelau
bens vñnd die hailligen arch der ewi
gen weisheit durch die hailligen le
rer So hat auch der mensch das
war hymelbrot / mit dem sol er sich
behelffen / vñnd Moysen vñnd Aaron
das ist geheet vñnd ernstliche aufse
re übung / Wie woll es den mens
schen offte saur an kompt Dennocht
so sol er nie ablassen Auch seine claid
der sölten nit ale noch zerrissen wer
den Das ist die tugēt / die ain claid
sind der seel / die der mensch in der
dürin vñnd in der wüstin sein sel
bes gewürket hat Das die nie ver
altent noch vergond vñder den au
gen gottes vñnd soll den der mensch
sich gelassenlich in die wüstin gebñ
züleidñ das ellend wie lang das der
herr wil vñnd alzeit ansehen / die saul
des hailligen gelaubens / vñ Moysen
vñnd Aaron das ist geheet vñnd
aufer übung nit von im lassen / so
behütet in got wol vor allen seinen
veinden Auch soll der mensch die
aschen ans rotten rinds mit im tra
gen / wenn er missethñ das er sich
mit wasser / darein er die aschen
würfet rainige Die asch ist anders
nit / dann so der mensch in liebe ver
brent / was vichlichkeit er gewürket
hat wid got / so sol er doch die aschñ
behalten Das ist / er sol seiner gepre
chen nimer vergessen / vñnd wenn
er in hochfart oder in ander gepre
sten vallet / so sol er die aschñ in was
ser der reu werffen Das ist / mit
grossen mysuallen sein selbs / sich
erkennen.

Wöchten ir sprechen ich wisse
gernn wie ain dürre kalter mens
sch sich selber solte behelffenn vñnd
wie er möcht entzündt werden.

Von

A Solt wissen/ das Got will
dick den menschen in dürre
vnd in ellennd haben Doch
seind sechs ding die offte ain
i Falten lawen menschen anzündent/
Das erst ist ain ernstlich bedencken
der vntwandelbere gerechtigkeit got
tes/ vnd seine verborgne vrrail. Das
amnder/ so sich der mensch zwinget
zü gücten wercken die er dann thät so
in jm war williger ernst. Das dritt/
so sich der mensch in demüctigkeit
vntwürdig schätzet der freudenreiche
haynsüchunng gottes. Das vierd/
das er dannocht mit allem vleis got
saget danck der gnaden/ vnd die groß
schätze So doch got in nit erhört nach
seinem willen vnd begir. Das fünfte
ist/ er soll sein willen geben in den got
lichen willen wie in got haben will/
das will er in ewigklich wöllen also/
vnd darinn beleiben in der weis/ das
sein eer in jm erfüllt werd. Das sechste
Er soll vleisigklich betrachten was
got ewigklich durch seinen willen hat
gethon Dieding soll d menssch vleis
igklich behalten in seinem gemüt.

C Hystori.

In solet ir fürbas mercken/
wices yn ergieng nach disen
n jaren. Die geschuift sagt we
nig was sy all cherten/ in den
jaren. Wann fürbas sager der tert.
Do das vierzigest jar kam/ da gieng
die saul fürbas/ vnd trüg man die
arch der saul nach/ vñ zogt das volk
nach. Vnd Judas vor mit seinem
paner/ das was von carfunckelstein
gleich vnd mit Isachar vnd Zabur
lon Do zogt auch nach Ruben mit
ainem baner/ vnd Beniamin mit
ainem baner/ was barillen gleich/
vnd also yegklich geschlechte mit sei

dem anfang

nem baner/ vnd kamen in Cades des
ersten monats des jars. Zu dem an
dern lesen wir/ das in da wassers ge
brast/ vnd wolt das volck ye wasser
hon. Do hüb Moyses ain rüt auff
gegen ainem felsen vnd sprach Mo
y nend ir das wir auß dem felsen müg
en wasser bringgen/ vnd redet das in
mistrawen/ das er das nit vermö
chte durch vnd von got zubünngen
aus dem velsen/ darumb ward gott
über in erzürnet/ vnd versaget in
das gelobt land/ das er nymer darein
solt kommen/ vnd über das schlug
Moyses an den velsen Do gieng was
ser herauf in allen genüg. Zu dem
dritten santen sy zu dem künig Edom
das er sy ließ ziehen durch sein lannd
on sein schaden/ das wolt er nit thun
Hierumb müsten sy etwas hinder
sich ziehen/ vnd sein land vmbtray
sen. Zu dem vierdten Do kamen sy
zü dem berg Hor/ do hieß got Aaron
auff den berg gon/ vnd sterben/ vnd
seinen sun Eleazar an sein stat klay
den/ als ain obersten priester Davon
zoch er sich willigklich auß/ vñ klay
der seinen sun/ vnd leger sich gestreck
t nider auff den berg on alles wee vnd
starb Zu dem fünfften do kam Ca
naneus vñ strit mit inen/ vnd wolt
inen wören/ aber sy gesigten in an/
Dese müsten sy aber vmbtraysen/
vnd wurd sy der arbaye verdriessen/
vnd wurden aber murmeln vñ unge
dultig Vnd wiewol die gücten vñ
der inen nit müd wurden/ wie verz
sy giengen/ doch die vntvolkommen
wurden müd/ vnd thet in die arbaye
wee/ vnd murmelten vil/ darumb
blaget sy got vnd sant vnder sy feu
rin schlangen die bissen sy/ vnd ma
chten in rot heülen Darumb von góe
lichem hayssen machet Moyses ain
erin schlangen/ vnd hangt in an ain

der Juden

frucken/vnd wer in ansach der ward
 gesund. Darnach baten sy den künig
 Seon/das er sy ließ durch sein land
 ziehen/das versaget er inen/darumb
 zugen sy mit gewalt durch sein land/
 vnnnd erschlugen in Do begegnet in
 der künig Edom / den erschlugen sy
 anch/Das erhört der künig Balach
 vnd sendet nach dem propheten Ba
 laam/das er dem volck flüchte/vmb
 des willen das er in möcht angefign
 Aber got wolt in seinem volk nit las
 sen flüchen Besonder er weissagt von
 in Doch gab er dem künig ain bösen
 rade/vnd sprach/ er solt in frauwen
 an den weg setzen/die abgötter anbeet
 teten Vnd so die kinder Israhel für
 zugen so würden sy mit in lösen/vnd
 denn fallen in sünd außs begir Vnd
 damit wurden sy ren got erzürnen
 das sy denn sigloß wurden / vnnnd so
 möchte er sy desterbaß bestreiten/
 Vnd von des bösen radts wegen do
 wurden vil välltig/vnd ward da ma
 nig tausent zutod geschlagen/durch
 verhengnuß gottes Aber die gürtter
 vnnnder in dieliessen die frawen sitzen
 vnd zugen für / vnnnd redten nichts
 mitt in Zü dem sechsten/do kamen
 sy auff das veld Moab / vnnnder den
 Jordan vnd Jericho Do hieß got zü
 morgen frü Moyses auff den berg
 geen/vnnnd das er sach in das gelobe
 land/vnd hieß in auff dem berg den
 nocht sterben/vnd hieß in das volck
 Josue empfelhenn/wann der solt in
 hertzog vnd fürer sein in das gelobe
 land an Moyses stat Das alles thet
 nun Moyses/vnd sach vff dem berg
 in das gelobe land allumbvndvmb/
 vnnnd machet da vor ain neiwes ge
 samg/das hebet an. Audite celi que
 loquar. Hörend in hymmel was ich
 würd reden/vnd leget sich nider ge
 stracks frisch vnd gesund/vnd starb

von Egipto

on alles wee Vnd was in allen seinen
 tagen nie siech noch kranck worden/
 vnd do bewainet in das volck dreissig
 tag kläglich. ¶ Wölt ir nun mer
 cken was das bedeiüt/wen ain mensch
 in der dürren wüstin seinselbs gelaf
 senhait wonet So geet aber die saul
 fürbaß/vnd treget man die arch göt
 licher weisheit nach/vnd zugen die
 baner nach mit dem volck.

¶ Bedeutung.

in öchten in sprechün/was bedeiüt
 ter das Judas zü dem ersten
 zoch mitt ainem baner von
 carfunckel/vnd Judas bedeiüt ain
 liebhaber/vnnnd Beniamin bedeiüt
 ain schauwend leben / das auch das
 edlest ist/mitt ainem baner barillen
 farb/der doch nit der edlest stain ist.
 ¶ Wissent das Judas ain inbrünst
 ger liebreicher verieher ist gottes/in
 seiner bedeiütunß Nun ist die selbtu
 gent ob allen tugenden Als ain car
 funckelleuchter über all annder stain
 Darum soll er billich vorziehen mit
 ainem sollichen baner/Aber Benia
 min/der da hett ain baner Barillen
 zier gleich/vnnnd alls in dem selben
 stain wenig krafft scheinert/vnd von
 natur nit großdinng würcket Also
 ist auch das edel schawend leben/wie
 hoche ist so scheinert es doch andern
 menschen wenig oder nichts zu sein
 vnnnd ist doch so hoch/das die natur
 kain krafft mag thun darinn/vnnnd
 sy müß herniden beleiben vnd sterben
 Als auch Rachel/Beniamins müt
 ter starb/do sy in gebar.

¶ Wöchten ir aber fragen/Trüg
 man die arch vor dem volck oder en
 mitten vnnnder in.

L iij

Von

dem außsgang

Wessend das mansy in der wu
 stin vor trüg / vnd wenn die
 saul still stünd / so setzet man
 sy auch nider / vnd legten
 sich darüm die geschlecht / als gegen
 der Sonnen aufgang Dalag vmb
 den Tabernackel Judas geschlecht /
 Isachar vñ Zabulon. Gegen d sonen
 vnd gang lagen Beniamin / effraim
 vnd Manasses geschlecht / Vnd dar
 nach lagen die andern sechs geschle
 cht nachinander zü bayden seitten /
 doch lagen sy etwaser von dem Ta
 bernackel / da die archallzeit eingesetzt
 ward / wenn sy still lagen. ¶ Vnd be
 deutet das annders nit / dann so ain
 mensch in sich selber sieht / vnd schau
 wet in sein innwendigkeit wie es da
 stand So ist die arch ennitten vnder
 dem volck Wenn aber der mensch
 sieht vnd schauwet was im gebüß /
 an warem lautterem schawen der
 ewigen weisheit / vnd wie gar verz
 er noch hat zü ainem innwendigen
 leben So wirt die arch verz vor ge
 tragen / vnd zücht er verz hernach /
 Wenn aber der mensch setzet sein be
 gir in die vnichtigen ewigen ding
 Die im doch in kainem schawen wer
 den für gehalten / denn so laufft der
 mensch in begird vor der arch Wen
 aber der hailig Tabernackel still steet
 vñ die arch dar ein gesetzt wirt / so sol
 sich der mensch vmb die arch legen
 zü Judas dem liebreichen verzeher /
 vnd zü Ruben götlicher forcht / vnd
 zü Symeon warer reüw / das er all
 zeit in disen geschlechten gefunden
 werd bey der Arch . Das ist / will er
 der Christenlichen kirchen eingelei
 bet sein als ain gesundes lebenndiges
 glid / so müß er haben die lieb gotes /
 er müß sein ain verzeher vnd beken
 ner gots durch den waren glauben /
 er müß hoffnung vnd vertrauen ha

benin gottes gnad vnd barmhertzig
 kait / vnd so d mensch die lieb also übe
 gegen got vnd seinem nächsten so wirt
 er gefunden bey dem geschlecht Ju
 das / Er müß auch haben göttliche
 forcht damit er gezogen werd von vn
 zimlicher übung seiner gelider vnd
 außlicher sün / vñ innerlicher begir
 lichait / das die seel nit abgeschaiden
 werd von d gehaymsamkeit vñ huld
 gotes / vnd den wirt er gefunden bey
 dem geschlecht Ruben Das ist / bey
 götlicher forcht So er nun hat übüg
 götlicher lieb vñ forcht so müß er von
 nocturft haben reü vmb sein sünd vñ
 fürsatz got füro hin nit meer zuerzür
 nen / vnd den wirt er funden bey dem
 geschlecht Symeon / das ist bey wa
 rer reü sein sünd zc. ¶ Zü dem ande
 ren beschicht auch die so der mensch
 wänet in dem besten zusein / das im
 aber wasser der andacht gebrist vnd
 ernsts / vnd denn recht in ainem zwei
 fel faller göttlich beystand / vnd
 gedencet / got achter dein nit / er will
 nit vmb dich wissen / vnd dauon wirt
 got schwärlich erzürnet / als wider
 Moysen / der durch des misstrawen
 willen müß außhalb des gelobten
 landes sterben Das ist ain erschrock
 enlich ding / das der haylig Moyses
 kund nit sollicher gewar samkeit sein
 das er außhalb des gelobten lands
 müß beleiben / das er sollich genad
 verlor mit ainem klainen misstrawen
 On zweifel das soll vnns wol ain er
 schrecken bringen / das wir alle zeit in
 forcht vñ in behüt samkeit sein sollen
 vñ got nit misstrawen / wie dürr wir
 sind / oder wie law wir vns selbs fin
 den / vil meer wir sollen an den hörn
 felsen schlahn vnser hertzen mit hä
 liger übung in der dürrin / vnd vns
 dartzü dringen vnd zwingen / so mag
 vns wol der gnaden wasser komen in

allen vnsern nöden. ¶ Zu dem drit-
ten beschicht auch dick das v̄ mensch
wol mit ainem kurtz̄n weg ain durch-
bruch thät / durch vntugent zeitlich
er verbildung v̄ v̄nd anfechtung So
fallent jm ein seingeborn fründ oder
annder bey den er wonet Dieselben
irrend in / als EDOM der künig / v̄nd
also müß offte v̄nd dick der mensch
lang v̄mbtrayssen / der sunst mit ai-
nem schnellen durchbruch kam durh
sich selbs. ¶ Zu dem vierden Seider
Aaron was der oberst p̄riester / der
für das volck solt bitten / der auch
was ain figur des höchsten p̄riesters
Jesu christi vn̄sers herren / darumb
solte er billich auff dem hohen berg
Mor / das ist / auff dem berg der mil-
titait sterben / seider sich Christus so
auff grosser milder lieb v̄nd erbarmd
hat geopffert an das creutz. ¶ Aher
ckent eben / das Aaron mit kam in das
gelobelannd / wan seider Aaron der
oberst p̄riester bedeūt ain mensch̄n der
da got opffert auff dem aussern altar
außwendiger übung / als da ist fasten
wachen waynen / v̄nd auff dem in-
nern altar opffert innwendig seuff-
zen v̄nd andacht seines hertzens / v̄nd
in dem ewigen hayligen lannd kain
solliche übung ist / noch seuffzen noch
waynen Darum so soll Aaron außser
dem hayligen lannd sterben. ¶ Er
solte auch dabey mercken wenn aines
naher den vn̄sichtigen dinngen die
ewig seind / so faller jm dick ab alles
beeten mit allen wortten v̄nd mit
aller z̄t̄er den er von jm selbs ye ge-
ther v̄nd denn ist Aaron tod / v̄nd
Eleazar sein sun wirt an sein statt
gesetz / wann Eleazar ist als vil ge-
sprochen / als gottes hilff / der müß
er sich genzlich empfelhen in ainem
lauctern glast seines hertzens / v̄nd
denn mag der mensch frölich on al-

les weesterben. ¶ Zu dem fünfften
Wenn Aaron der beeter stirbt So
komet denn groß anfechtung in
dem menschen / v̄nderweilen von iip-
piger liebe v̄nd naigung die den men-
schen anfechten / v̄nd er sich jr nitt
erweren kan / das der mensch in gros-
ses gedreng innwendig gesetzt wirt /
v̄nd v̄nderweilen so nympt die an-
fechtung dem menschen etwas über
hand / v̄nd so der mensch denn sichte
v̄nd streit so lang / v̄nd will der streit
so lang weeren / so wirt der mensch
fast enntsetzet / das in dick des wider-
streittes verdreißt / v̄nd denn begin-
net er aber wider gott zumurmeln /
v̄nd wirt in aller tugent verdreissen /
Darumb so wirt der mensch dick
geblaget mit feür in schlangen / das
ist / mit leiplichen entzündunḡn / v̄nd
die verderben denn den menschen gar
seer / er sech dann an den erinn schlan-
gen an ainer krukken / das ist / die er-
storben v̄nd verworffen menschait
Jesu christi / v̄nd sein würdigs ley-
den / nympt er das dick für seine aug-
en so vertreibt es jm die bösen schlan-
gen So aber die anfechtung v̄ffhört
so komet denn aber ain solliche beko-
rung oder anfechtung / von den nitt
ist zuschreiben / v̄nd wenn die kom-
mend so fahen sy an zu streitte alls
die starcken künig / denn mit lüstig-
kait der welt / denn mit leiden die got
v̄neerlich seind / alls ist der gait der
schmähung / v̄nd über das alles so
komet Balaam / der böß gait / v̄nd
setzt dem menschen bild für / die jm
aber widerwertig seind / denn wider
den glauben / den dunckt den mensch̄n
was er thū es sey alles todsünd / denn
dunckt den menschen er hab nitt recht
gebeicht / denn dunckt in er müß ver-
dampt werden Ach so soll der mensch
Eleazar ansehen / das ist / sich gât
L iij

Von

licher lieb empfelhen mit ainem götlichen trawen / als Job sprach. Et si interficeret me / in ipsum sperabo. Vnd ob er mich tödtet / dannocht getraw ich in in Vnd soll der mensch thün als die frummen jüden thetten Wiewol man men die schönen frauen an den weg fürsatz / des achteten sy nit / vnd zugen für / vnd redten nichts mit in Also soll auch der mensch thün / was im wirt für gehabent Davon soll er nit betrübt werden / noch widerstreitenn / noch fechten / meer er soll sein nit achten / vnd fürgeen / Vnd als mār vil als wenig / Seid sy in nit bewegent in wol gefallen oder begir / wann so der will dar zu nit fert ist / so ist es alles nit schad / sonder es rainiget die seel / vnd leüttert sy / vnd behelt den menschen / Nun beschicht es gar offrt das Balaam beschach / des esel weiß was / das menig warlich esel seind / vñ vnweiß geschetzt seind in den augen der welt Die sehend warlich die enngel gottes die die kinnder der welt (die den kindern gotes übel redent oder sporent) nit sehent / vnd so sy den kindern gottes ye meer wöllend flüchen / yemeer wirt es gewent zu ainem seggen Aber es geschicht auch layder widerumb / So Balaam / das seind die kind der welt / koment mitt bösen rädren / vnd sprechent / wānest du das dich vngehalte schnöde klaiden hailing machen Ist das hertz güt so ist es alles güt / Mit solicher redt komen sy vñnd rädren dem menschen gar klügklich wider zu der welt / vñnd sprechend Du solt dahin gon von der freünd willen Vnd du solt dich also behelffen / das du bey deinen sinnen beleibest / Also wirt manigs mensch von den bösen rädren Balaams vällig in grossen schaden / das er ain höll kinnd sein

dem ausgang

müß Darumb soll sich der mensch fleissigklich vor balaams rädren hütten. Zum sechsten / beschicht die das got den menschen für auff ain besondern berg / vñnd zaiget im die cron der ewigkayt / die er ewigklich soll niessen / vnd hinsüro empfinden in seiner ewigen seligkayt der süßkayt der süßen tröpfflin / die da von dem hymlichen Jerusalem fallent in sein hertz Vnd das bedeit das moyses in das gelobte land sach / vnd do so bald starb / vnd Josue das volck empfolhen hett / Also mag der mensch denn wol singen / vnd sterben on alles wee / der von Egipto komen ist durch die wüstin Vñnd die künig der betörung vnd anfechtung bestritten hatt Vñnd im also ain vor empfindung worden ist ewiger seligkayt das sein seligkayt am gaist hat hie angefangen

¶ Sprachend jr / was bedeit der herzog Josue / der das volck einführen solt.

¶ Bedeutung.

Erkennt das Josue ist ain figur gewesen vnnsers behalters / des namen ist Jesus / Darumb hiefs man in auch Jesus Nun ist Jesus als vil gesprochen / als ain behalter / wān der mag allain in das gelobte land komen den Jesus vnnsers behalter darcin fürer / Auch ist wol Josue ain figur gewesen vnnsers behalters / wann Josue was von dem geschlechte Efraim / der da was ain sun Josephs / vñnd der Patriarch Jacob / Josephs vatter / do er sterbent solt / do gabe er auch den seggen den sūnen Josephs / vnd gab in dem Efraim in creüzes weiß vñnd zaichen / zūbeweisen das wir allain mitt dem verdienen des

der Juden

des kreuzes Christi / vnd vnser er-
storbenlichayt in das gelobte land
gefuret werden.

Histori.

Iso domum Moyses tod was
do nam sich Josue des vol-
kes an / vnd sprach got zu im
Er solt sich aufmachn über
den Jordan / des waren dritthalb ge-
schlechte Ruben / Gad vnd das halb
geschlecht von Manasse / die hetten
sich des landes (das hindisen dem
Jordans was) angenommen / für ain
tail / wann sy hetten vil vichs / vnn
was güte wayd hindis halb Doch
also das sy hulffen den andern ge-
schlechtern das gelobte land erstrit-
ten / vnd die selben machten sich auff
mit den andern über den Jordan zu
faren. Zu dem andern / hieß got
das die priester die arch zwaytau-
sent elen vor solten tragen vor dem
volck bis in den Jordan. Zu dem
dritten / do die priester tratten in den
Jordan mit der arch / do vieng der
Jordan wider berg zu geen / vnd floß
nir meer ab in das rot mö: Sonder
er geschwall auff gegen seinem vr-
spunnung vnd floß doch nirt für über
das gestad in das feld Darum gien
gen die priester mit truckem füß in
den Jordan / vnd stündn da mit der
arch. Zu dem vierden / do zoch
das volck alles durch den Jordan /
mit truckem füß auß der wüstin in
das gelobte land. Zu dem fünften
do hieß got zwelf hailig stain nemen
von der stat da die priester stündten
mit iren füßen / vnd hieß die heraus
an ain böß stat legen / vnd hieß auch
da zwelf stain nemen von der bösen
stat / vnn legen an der gürtten oder
hayligen stat in dem Jordan da die

von Egipten

priester stündten mit der arch. In
dem sechsten / do das volck hinüber
kam alles Do stündten danoch die
priester still in dem Jordan bis das
sy got hieß fürbaß geen Do er sy das
hieß / do trügen sy die arch hinüber
Vnd also zuhand vieng der Jordan
wider anzustießen / als vor was nach
seinem natürlichen fluß.

Bedeutung.

As nun das alles bedeitet.
w Nichts anders dan das
vns got aller rüffet / das wir
außer der wüstin vnser selbs
über den Jordan sollen ziehen / Das
ist / außer vnser selbs in got / der dan
ist vnser gelobte land: Nun beschicht
es / das das dritthalb geschlecht hie
dis halb beleiben / Das ist Ruben /
Gad vnd das halb geschlecht Ma-
nasse / die drei geschlechte haben vil
vich / wann noch heüt des tags vil
vichschait in dem mensch ist / der
nirt will über den Jordan sein selbs
verschmehnung / Aber nun wiewol
der vichsch oder vichlich mensch nirt
on das vich will sein so soll doch Ru-
ben / das ist / göttliche forcht / vnn
Gad / der streitter wider vntugent /
Vnd das halb geschlecht Manasse /
das ist / vergessenhait zeitlicher ding
da beleiben / wan der außer mensch
soll in forcht besteen / vnn in streit
der übung sein / vnn wiewol er on
die zeitlichen ding nirt gantz gesein
mag So soll er sich doch nirt gantz
darein sencken / vnd soll der zeit halb
vergessen / vnn das güte soll er wol
bedencken / vnn das bedeitet das
Manasses geschlecht halber hie dis
halb dem Jordan belayb Vnd allso
sol der vichlich außer mensch dem
inzeren menschn helfen in tugendn

Von

sich zu üben / das heilig land zu
 bezwingen. Zu dem andern so
 soll die arch zwü tausent elen vor
 dem volck getragen werden / von
 den priestern Die priester die da der
 seel hütter seind vnd die arch tragē
 söllent / ist fleischliche erfündung der
 ding die dem menschen verborzen
 seind / vnd emsig betrachten wi-
 derumb der ding die man da erfün-
 let. Die zwen tragen die arch der
 weißheit Wen der mensch vleisslich
 erfündet vnd sich selb vnd die zeit-
 lichen ding recht an sichte / vnd den
 vleissiglich das betrachte so vindert
 er so vil schädlichkeit vnd gebresten
 Das ers denn von billich an sichte /
 Zu dem dritten / so sol sein begird
 die vor abloß als der iordan in das
 rot mer / sterben zeitlicher ding / das
 die selb begird denn über sich gang /
 gen dem göttlichen vrsprung / das
 denn er aller göttlicher ding bege-
 re / vnd den so wirt der abfließend
 iordan der begird gar trucken das
 er nit ab in die irdin ding fließet
 vnd schwöllet sich hoch auff das
 man in sichte in saraphan / das ist
 als vil gesprochen / als leiden vnd
 druck / wan so des menschen begird
 nit meer auff sich selb noch auf zeit-
 lich ding fließet / so ist dem mensch
 en alles leiden vnd druck klain an
 zusehend vnd sich darcin zugeben /
 Ach wie ist es so ain edel ding so der
 abflus des iordans Das ist / die be-
 gird also gestillet wirt vnd allain
 zu seinem vrsprung aufgerichtet ist
 Vnd das mag nit beschehen / dan mit
 der arch göttlicher weißheit die
 muß vorgetragen werden zwü tau-
 sent Ellen vor dem volck / Ain tau-
 sent / ist volbringen alles / das der
 mensch vermag in tugenten Das
 ander tausent / volbringen alles

dem ansgang

das der mensch vermag / vnd bil-
 lich thun soll / Die zway tausent
 gebrechend vill menschen / Wer
 ist der / der das alles tut das er ver-
 mag / oder von billich thun soll /
 Darumb wirt die arch wol zway
 tausent elen vor getragen verr /
 vor vns. Zu dem vierden / So
 der iordan Also still stat vnd nit
 meer abfließet So lossent denn all
 kreft vber den iordan in das gelobe
 land Als das volck trett. Wann /
 wenn aller vnser hinfließend begir
 besonnd das sy nit meer in disse ird-
 dische ding gericht seind / So eil-
 lend all kreft nach / in das gelobte
 land. Zu dem fünften / so soll
 der mensch den die pössen stain / an
 der güten stat legenn / vnd gute
 heilig stain / an der pössen stat
 legen / das ist anders nit / Dann so
 der mensch in güter rü stat vnd
 im gatt nach seines herzen willenn
 so soll er an die bösen stat vnd zeit
 gedennen in den er vill erlitten hat
 Vnd auch wenn der mensch Le-
 was güts thut / so steet er auff ain
 nem heiligem stain. Vnd denn sol
 er böß stain an der güten stat legen
 Das ist / er soll gedennen nach sei-
 nen gebresten / das die also manig-
 ualtig sind Vnd das darumb Das
 er sich von der tugent die er thut /
 nit erheeb in hochfart / Wenn
 auch das ist das d mensch auf bösen
 stainen steet / der versüchung vnd
 im die vill züstreng sind / das er etts
 was an gott begindet zu zweiffen /
 So sol er den die güten stain legen
 an der pössen stat Das ist / er soll
 sein güttat / vnd güthun herfür
 lesen / Die er ye gethet Vnd wie
 vill er in tugenden hatt getan vnd
 im selbs abgebrochen Vnd soll sich
 den behelffen wider das zweiffeln

der Juden

Als Job thet do er saß auf dem mist hauffen/do laß er all seine güte werck herfür/das er nit verzweifelte. Zu dem sechsten/wen des menschen gemüet die ewig weißhaye gewirdiget hat/das ist/die arch/so soll er darauf beleiben vnd still steen bis das in got oder sein gaisstlicher vatter anders hayset/oder nordurfft des leibs bezwinnget Darumb stünden die püester all still mit der arch in dem Jordan/bis das sy got hieß herauf gon Und wen die arch vnd das volck alles herüber komet/den so fließet der Jordan nach seinem natürlichen lauff/das ist/wen der mensch in das ewig land kommet den so fließet der Jordan nach seinem natürlichen lauff/Das ist/die begierd nach gemach vnd lust vff jr edel gegenwürff vnd nach aller irer maynung.

Prächent jr/kompt ain mensch in disem zeit nit auch dar zu/das sein arch stand auff eruckem land des Jordans/vnd hinüber tragen werd/vnd das der Jordan abher fließet nach seine natürlichen lauff.

So solt wissen das sant Paulus spricht/das er die arch seines hertzen hett gesezt bis in den dritten hymel/dieweil er democht in dem zeit was tödtlich Und sein begird alle aufgericht waren/sonil das er vmb dise ding nit wißt/ob es zwischenn seiner seel bey dem leib wär oder nit. Nie merckent jr wol das es gar wunderberlich was in andechtigem hertzen Also sind die die sich selbs vnd alles das/das got nit ist/verschmehend/Wir sehen auch das etlich mit jr selb verschmähung darnach lassend den Jordan

von Egipten

lauffen in seines natürlichen gemaches lauff nach seiner natur So sy vor vil wachen vñ vasten/vñ hirt übung heeten/dieweil sy in der wüstin jr selbs waren/darnach so sy jr selbs gesüch ganz seind erstorben so schlaffen sy/vnd essend jr nordurfft/vnd süchend gemach in ordenlichen dingen Aber doch so ist in not vleissiger hüt/das sy nit mer über greiffen Und das bedeut das v Jordan über sich wüchs/vnd doch nit gieng über die gestad Und hiebey merckend jr das die edlen frumen kind vnd menschen wenn sy auß der wüstin jr selbs komet/das sy wol bekemen wenn sy essen vnd trincken vnd schlaffen sollen jr nordurfft/wan denn halten sy sich als ainuellig frumb Crister leüt in aller ordnung der cristenhait

Sprächend jr aber/was bedeut/das die arch vor dem volck getragt ward durch die wüstin vnd den Jordan an mittren darein/vnd das volck doch vor der arch kam in das gelobe land.

Issend die weil das der mensche in sein selbs wüstin ist/so ist er hinder der arch götlicher weisheit/vnd wirt im vor getragt in dem liecht des glaubens bedeckt Aber wen der mensch durch die wüstin sein selbs kompt/so beginnet er mit allen seinen begirden sich fern in das ewig land/das er doch nit ersicht oder schawet/Und wenn nun ewigs schawen nit wirt geben/es sey dan da ware begird Hierumb lauffet die begir vor der arch in das haylig land.

Von

Fragtend ir/lüffe das volck/
alles schnell durch den iordan oder
gienggen sy gemach/ ain taill auß
der wüßtin.

Da söllend ir mercken/ertlich
erügen swär vnd giengün gemach/
ertliche giengen in lauffender weiß
Dch ertlich waren alt/ertlich jung
ertlich in dem bestü Also yz zu dem
ewigen vatter land / so seind üben/
de menschen die geend vnd tragend
schwär/ertlich ain saul/ertlich ain
erün altar Ertlich ain rauchwass/
Aber die bekerten menschen in sich
selbs in gödlicher betrachtung/die
lauffend/vnnd die menschen die da
seind in schawen die fliegennd/Die
seind iung die aller erst anhebent/
got zü bekennen/Die seind alt / als
auch die alt sind die angehebt hand
in ernst/vnnd abnemen/vnd in ver
drossenheit vallent/ Aber die seind
an dem bestü/die da seind ains star
ken willens vnd gemüts all tugent
in gebotten vnnd in raden/zü üben
vnd in leiche ist / zü tausent malen
sterben durch gottes willen Hierin
merck ain yeglicher ob er iung od
alt ist/vnnd ob er gang oder lauff
vñ was er trag durch den iordan.

Histori.

In will ich ewch füro sa
gen / wie es inen darnach
ergiang/wir lesen also/do
sy all über den iordan kamen Do be
schnitt sy alle ire kind vñ sich selbs
Wan in der wüßtin ward kain kind
beschniten Wann sy wissen nit wie
lang sy an ainer stat beliben / die
auch die in Egipten waren besch
nitten wordenn / vnnd waren über
zwainzig iar komen/die waren all
tod in der wüßtin / dan all ain zwen
auß genommen Caleph vnnd Josue

Dem außsgang

die kamen allin auß Egipto in das
gelobt land Zü dem andern/do ver
gieng die saul die in was vor gän
gen von Egipto durch die wüßtin/
Zü dem dritten / hort auß das hi
melbrod vnd viengen an die früche
des gelobten landes zü essen. Zü dem
vierden/begiengün sy die oßtern mit
dem lemlin. Zü dem fünfften / do
schlügen sy die hütten gen dem auß
gang der sunnen. Zü dem sechsten/
hieß sy der Engel iericho zerstören.

Bedeutung.

Ey den dingen söle ir mer
cken/welche menschn seind
auß der wüßtin ir selbs ko
men in das hailig gelobt land / den
valler alle überflüssig ab/an wor
ren/gedencken / vnd an allem wan
del/das ist die beschneidung/wann
ire wort seind /ia ia/nain nain Sy
seind auch beschnitten von allen lei
plichen dingen/lustes vnd aller vn
notürftigait wort vnnd werck vnd
claiden vnd wandels / vnd alles des
sy notürftig sind Was bedeit das
anders das die saul vergeet / dann
wen der mensch / in das ewige land
komet so höret auß der gelaub/wan
wen ain mensch über den iordan ko
met / so wir er mit sunderem liecht
über leichet der ewigait mit besun
derem plicken Das er denn zümall
das liechtes des gelaubens nit brau
chet/Wann er bestat bey seiner er
kennuß / erleucht mit himlischem
liecht Als bey ainem liechten mitag
Es kompt auch der mensch darzü/
wenn er beharret durch die wüßtin
Das er die ding die er vor kaum ge
laubt hat / findet in jm selbs vñ siche
vñ enpfindt es durch ain wissen vñ
nit durch ain gelaubn. Zü dem drit
ten So vergeet das himelbrod das
in ain figur was / wan die figuren

der Juden

vnd gleichnussen die vergond dem menschen / vnd die clar wissenheit oder weisheit offenbarer sich in dem menschen / das er den des hinfüro nit empfindet / was er neuisset der süßigkeit gottes / das seind die fruchte des ewigen gelobten landes. Zu dem vierden so begat den der mensch die frölichen Ostern Von der schreibet Bernhardus / vnd haisset die geblümet Ostern. Wir wissen ee ain baum frucht bringet so müß er vor blüen vnd blüen hon / vnd das haisset die blüent ostern. Weñ aber ain mensch wonet in den violen der demütigkeit vnd in den rosen des leidens vnd der truckung / vnd in den weissen lilgen der ainigkeit / vñ in den feldblümen der gedultigkeit. So begeet er die ersten ostern / die die juden begienngen do sy von Egipto außschieden / vnd dannoche vil weges vor in hettem / Aber weñ der mensch über den jordan komet / vnd durch sich selber warlich komet / mit ainem lautteren verzeyhen seinselbs / den so begeet er nit als ain die geblümet ostern / meer er neuisset den die fruchte der blümet / vñ empfindet den die süßigkeit vnd edelkeit der tugent / die im vor so widerzäm waren / vnd in so gar sawr an kamen / die werden im den süßs vnd frölich ob allen freüden diser zeit / vnd opffert den warlich das osterlämlein dem ewigen vatter / durch des lämlins willen er sich in die wüstin gewogen hat. Darnach zu dem fünfften machet er fürhütten seines gemüts / auff gegen dem aufgang der sonnen vnd lasset innen die ewigen sonnen leuchten / vnd würcken ire edle werck in aller zierhayt vnd klarhayt. Vnd wird den erst der mensch ain beklaideter mensch in ainuältigkeit vnd vnder schid aller ding.

von Egipto

41
 ment war wol ain edel ding n ist sichselbs überwinden in diser welt / nyemand meer fürchten dan allain gottes süßigkeit brauchen / vnd die frucht der tugent niessen / vñ ewigs lebens in götlicher haymlichkeit empfinden / vnd dem obersten süßengüt allain leben wollen / Wie ain wunntreichs leben das ist / wie gern solt der mensch von Egipto schaiden Darnach / auf das sich das bild der wüstin / vñ vñ von Egipto der zeitlichkeit nit meer offenbaren in dem menschen. Darumb hieß got durch den enngel Jericho zerstören. Wie nun das ergienng das solt jr mercken.

Thyffo: i.

Es steet geschriben das dem e hertzog Josue der engel gottes erschyn / vnd der gab im weisung vnd weg / wie er die stat Jericho solt zerstören. Also / Es wurden zwen speher fürgesendet / vnd den halff Raab das sy nit gefangen wurden. Er hieß auch zu dem andern mal / das man die hailigen arch solt zu sibem malen vmb die stat tragen. Zu dem dritten / weñ der tag kam so solten sy all rüffen mit lauter stimm. Denn so wurden die mauren fallen / Zu dem vierden hieß er sibem busanen oder hörhorn machen / vñ die solt man vor d arch tragen / vnd solt sy blasen. Zu dem fünfften / das man nyemande solt leben lassen in der stat weder vich noch leütt / on allain die Raab vnd jr gesynd / die die speher mit ainem roren strick hett über die maur gelassen. Zu dem sechsten so solten sy es alles zerstören vnd verbrennen was in der stat wäre / vñ die kain ding das sy funden / solten in selbs haben noch nichts behalten / dann allain was von gold vnd von silber vñ von

AD

Von

Er vnd tysen wäre / das söletensy zü
görlichen dingen opffern vnd nit ver
brennen Darumb auch ainer hies
Achor getödtet ward / vnd auch die
seinen / wañ er thet wider das gebot.

Er nun wyll gen dem hym
w
lischñ Jerusalem ziehen / der
müß über den Jordan der hin
fließenden begir zeitlicher
ding / vñ auch die stat Jericho grünt
lich zerstörn / Jericho ist als vil / alls
gedechtnuß des menschlichen / das ist /
die krafft der seel mit der wir gedenc
en alter vnd vergangner ding / wie
wir ettwan in Egipto gelebt haben /
vnd was vnds da begegnet ist / das
dañ die bildner in fürrege so wir et
was sehen oder hören / O woll selig
wår der mensch in dem die stat zer
stört wår / so vil / das im die ver gang
en ding vnd bildung verbrent wår
vnd im außere ding nit meer bräch
en verbildung / wol wår es so ain lust
reichs leben / so also alle bild vergien
gen / das d mensch vmb nichten meer
wißt dann vmb sichselbs / vnd vmb
got / wañ also viel im ab alle sorg vnd
alles trawren Darumb sogibt sant
Paulus ain bild dise stat zü erstörn
vnd spricht. Ich will vergessen der
ding die hinder mir seind / vnd will
nich fern zü den dinggen die da vor
mir seind Darum spricht auch Chri
stus Wer der ist der sein handt legt
an den pflug / vnd sicht hinder sich /
der ist nit geschickt zü dem reich der
himmel Darumb ward auch in der
altene Lotes frau zü ainer saltzseul
das sy hinnder sich sach / Das hinder
sich sehen / ist alles Jericho / hetten
wir die stat zerstört so füren wir gen
der edlen stat Jerusalem mit freuden
vnd frölich mit der arch der ewigen
weißhait / Wöll wir nun die stat ge

dem ausgang

winnen / so müssen wir die zwen spe
her außschickenn. Die zwen speher
seind fleißig fluchender gebrechen / vñ
ernstlichs ersüchender tugent / Die
zwen erspehend die stat / das wir sy
wol mügen gewinnen. ¶ Das ander
ist das wir die arch sibentag sollen
vmbtragen Dise arch als ir vorgehört
hond ist schawende weißhait die wirt
gerragen mit fleißigem nachfragen
vnd emsigem betrachten nach got /
vñ als got alle ding erschuff in sechs
tagen / vnd an dem sibenden rüwet /
Also sol der mensch vmbtrayen alle
geschaffenlichait / vnd nit allain die
werck die got an ainem tag beschuff /
meer alles das er ye geschuff / vñ soll
nit rü in der geschöpft haben / meer
sy vmbgen vnd vmbtrayen / vnd al
lain in got rüwen Als dan spricht die
ewig weißhait in der person der edlen
junctfrawen Marie. In omnibus re
quiem quesivi ⁊ in hereditate domi
ni morabar. Ich hab in allen dingñ
rü gesucht / vñ in dem erbtail des he
ren hab ich gewonet / Ich bin allain
vmbgangen den kraiß des hymmels
¶ Das drit / wen der mensch durch
siben tag kommet / das die außeren
werck vñ bild in rüwstond in ainem
menschñ / so soll er rüffen mit lauter
stym Dises rüffen ist anders nit dan
ain lebendiger gait in gunst zü got
als seines ersten versprungs mit inni
ger begird in ganzer inbrünstichait /
vnd des begern vnd in allain fürbas
suchen Das ist das geschray / das da
dinget durch die lufft vnd durch die
hymel Von dem geschray fallen ni
der die mauren alles mittels zwischñ
vñser seligkeit / was wir aber auß
wendig schreyen vnd bitten / das ist
dem geschray gar ferz vnd vngleich
¶ Das vierdt ist / das wir sollen si
ben busanen haben die vor der arch

ewiger weyßhait werden geblasen /
 Die erst busan rüfft das der mensch
 sein mund in dem hertzen trag. Die
 ander das der mensch in dem liecht
 seiner verstentnuß wol geleutert sey.
 Die dritt das sich der mensch auff
 das niderst setzen sey. Die vierdt das
 der mensch lebendig sterben sey. Die
 fünfft / das der mensch schweigend
 fragen sey. Die sechste / das d mensch
 des götlichen worts an dem jüngsten
 tag gehörig sey. Die sibend / das der
 mensch der obersten krafft der seel le-
 ben sey / Das sind sibend edel busanen
 Die soll man tragen vor dem schrein
 der edlen weyßhait / ist das man die
 stat will gewinnen. ¶ Das fünfft ist
 das man alle dinng die da lebend soll
 ertöden / wann alle dinng die in des
 menschen gemüt seind die müßent al-
 le vergeen vnnnd sterben / vnd nit al-
 lain die vichlingñ ding / meer auch
 die bild / on allain Raab / das ist /
 vnser seel / die jr hauß gezieret hatt
 mit ainem roten sail / Das rot sail
 ist anders nit dann ain bild des ley-
 den vnser herren Jesu christi / mit
 dem wir vnser hauß sollen bezeich-
 nen / das jm die feind kein schadñ thū-
 en / vñ was wir darin hond / darnim
 lesen wir in dem propheren Ezechiel
 Juuenerem ac senem interficietis. Al-
 so sprach der enngel. Die jungen vñ
 die alten solt jr töden / auch frawen
 kind / vnd alle mengtlich / on allain
 die jr sehent bezaichnet mit dem zay-
 chen Thaw / wann die selben soll man
 nit töden ¶ Das sechste ist / das man
 gold / silber / eysen vñ öre sol got opfe-
 ren / das bedeüt was d mensch in jm
 selbs findet / gold ewiger weyßhait /
 lautter silber / rainigkait des hertzens
 Eysen vnd öre / stättigkait ains gü-
 ten willen / wañ allen gesig aller vn-
 tugent soll er jm selbs nit züaignen

allain gottes Ker / vnd seiner vätter-
 lichen genad / Darumb sprach Chris-
 tus zu seinen jüngern. Cum feceris
 tis omnia. Wenn jr alles das thünd
 das eüch geboten ist so / sollen jr eüch
 dannoch nennen vnnnd bekennen vn-
 nütz knecht. Wer nun dise stat hatt
 gewonnen vnd zerstört die schedlich-
 en stat Jericho / die den menschen so
 dick machet hinndersich sehen So
 steet dem auff frid vnd freud vnd al-
 le seligkait in dem menschen / vnd dar-
 umb manet vnns der hailig gait so
 er sprichet in dem propheren. Audi fi-
 lia et vide. Hör rochter vnnnd naige
 dein oz hierzü / vnnnd vergifs deines
 volcks / vnd des hauß deines vaters.

Da nun Jericho zerstört war

a de Do fürten sy fürbaß gen
 ainer stat die hieß Day / vnd
 legten zü der / hirt vnd herr-
 schaffe / vnd gewonnen die stat / vnd
 verdammerten die stat / vnd vertilck-
 ten die stat / vnd reütten die auß Do
 kamen zü dem andern mal fünff
 künig zusamen / vnd wurden streit-
 ten wider das volck gottes / vnnnd do
 der tag wolt vndergeen / do bat der
 lieb Josue got / vnd erhört in got das
 die Sonn still stünd ain zeit / als ain
 ganntzer tag lang ist Vnd also ward
 der selb tag zwayer tag lang / bis das
 das volck gottes / die künig vnnnd jr
 volck alles zütod schlug Do das an-
 der künig hortten do kamen sy zusa-
 men zü Raphain / zü Raphin dem
 künig / vnd zugen auß zü streiten wi-
 der das volck gotes / vnd wurden er-
 schlagen Also lesen wir das ain vnd
 zwainzig künig wurden erschlagen
 von Josue. Zü dem dritten do ersch-
 lüg Josue auch die von den risen wa-
 ren geboren / vnd alle die / die in wer-
 den mochtam / die dann abgötter an-
 40 ij

beerehen/der ließ er kain leben als vil
er mocht. Zu dem vierdten do kamen
sy gen Diba/vnd sagenda die arch
nider/da zu beleyben ain zeit. Vnd
machten tailauffer dem hailigū land
vnd wurffen da das los was yegkli-
chem solt werden/ Also viel ain tayl
von Jerusalem dem geschlecht Ben
iamin/ das begeret das im voraus
wurd die statt der risen/ do dann die
risen gewoner hetten/ vnd do Abra-
ham vnd Isaac waren/ vñ das ward
in gegeben. Zuden fünften do sprach
got Es sollend die priester kain tayl
an dem land haben/ wann er wolt sel-
ber jr erbtail sein. Doch durch jres
vichs willen/ vnd das sy wenig heten
do wurd in erwaül gegeben. Zu dem
sechsten wurden da sechs stett gesetzet
zu der flucht vnd geordnet/ in den
man frid solt haben/ weñ von geschich-
te ain mensch den andern erödtet.
In den stetten solten wonen die man-
schlechtig waren/ bis das der oberst
priester starb. So mochten sy wider
haym geen in frid. Vnd deren drey
waren jenhals des Jordans/ vñ drey
herdishals. Do das alles beschach/
do setzten sy sich in das land/ vnd be-
sassen es darnach langzeit in frid
vnd in rü.

¶ Bedeutung.

Wir nu wolten wissen/ was
das bedeiit so merckent Hay
die statt/ die bedeiit anders
nit dann die bösen wurzel die
wir von Adam haben/ von der weg-
en wir meer genaigt seyen auff böses
dann auff güttes/ vnd wie das sey/
das dieselbbewegung etwas gedru-
cker vnd getämpert werd. Doch so wirt
sy nimmer gar außgereüret/ es be-
leibt vichlichkeit in dem menschen/
wann also tödteten auch die kinder

Israhel das vich nit das in der statt
was/ wann die vichlichkeit laßt sich
betrechen alls das feür. Aber die hitz
wirt nit erlöschet gar noch sein wirt
lichkeit. Darum so muß man jr allzeit
mit fleiß hütten legen vnd lang/ das
man jrem streitten müg begegnen.
Zu dem andern so beschicht es dan
nocht den vollkommen menschen/ die
joch über den Jordan kommen sind.
Das die fünff sinn/ als die fünff
künig wider den menschen fechten/
denn soll der mensch got anruffen/
das die Sonn der vernunft nit vn-
dergang/ das er nit beschadet werd
in seinem gemüt von der ankriegung
seiner sinn/ bis das er jrem gesüch
ganz ersterb. Den so ist got also wun-
reicher lieb vnd laßt die Sonnen vn-
beweglich wider die natur stillstehen/
Zu ainem zaichen das er den mensch
ernit lassen will in kainem streit noch
leiden/ er wöll im übernatürlich helf-
fen. So er yn anruffet in ainem gü-
ten vertrauen. Darnach aber so ko-
ment vil mächtiger künig zusammen/
das seind die zeitlichen ding vnd bild
die dann die bildnerin fürwürffer/
wider die soll der mensch fleißiglich
fechten/ vnd sy außreiten/ vnd all-
zeit bey jm haben den schilt des glau-
bens/ vnd den helm/ schämigkeit/ vñ
behüttsamlich sein in dem banzer der
gedult/ vnd haben ain sper gütter zu
uersicht zu got/ vnd das schwert des
gölichen worttes vnd der hayligen
geschriefft. Vnd dem also mag er vil
wol angesigen allen seinen feinden/
vnd will er von jm allen sicher sein/ so
soll er sich setzen in gannzedemüt/ so
mügen sy in nit nider stossen. Die de-
müt ist anders nichts dann gelassen-
heit seines eigen willens/ das er ni-
chts wöll noch thū/ dann als yn sein
gaislicher hertzog vnd fürer haist/

Auch so soll denn der mensch nemen
das klaid der liebte / damit wirt er
bedeckt das er die starckenn risen er-
schlecht / das seind die starckenn ver-
suchungen der welt.

Nun möcht jr aber fragen / Ra-
men sy gantz züfride / do sy die streit
allegeton heren also das sy nyemand
meer anfacht.

Ain / wann die Philistei / die
n belyben alle zeit / vnd rbetten
in vil großlayd / vnd kunden
sy nye außreiten / vnd was
doch ain klaines volck zurechnen ge-
gen men / vnd gegen den die sy vor be-
stritten vnd ertödet vnd abteil get-
hettten Als risen vnd mächtig künig /
wann das klain volck facht dannoche
wider die kunder von Israhel zü den
zeiten Sauls vñ Davids / vnd noch
heüt seind ir nachkomen auf erderich

Fragten jr was das bedeytet.

Issend / das es noch heüt be-
w schichte / das ain götlicher
mensch mit der hilff gottes
groß gebresten überwindet /
vnd kan doch eerlich klain gebresten
niet überwinden / noch der gar ledig
werden / vnd die lasset im got darum
beleyben / das er destermehr in demüt-
tigkeit beleibe / vnd in selber alle zeit
missfall / so er sieht das er die klainen
gebresten niet kan überwinden / Es
thüt auch got darumb / das der men-
sch erkenne das er auß seiner aigner
kraft die grossen gebresten niet hab
überwinden Seid er die klainen niet
kan überwinden / Er thüt es auch
darumb / wann hette der mensch kain
anfechtung noch leiden So wurd er
offt als trüg / vnd sagte sich zü vil in
riuw vnd sicherhait / oder getrawete
in selber zu vil / vnd übte destermehr

der tugentreiche übung vnd werck /
vnd das wäre sein grosser schad / dar-
umb gibt got etwas druck vnd ley-
dens seinen allerliebsten freunden.

Zü dem vierdten / so wirt ain loß
geworffen So man das haylig land
taylor. Nun des spils art ist / das es
nyemand föle durch sein zütin / also
oder also / wann mit kainer tugent
mag man verdienen das ewig leben /
wann es kompt allain von den gena-
den gottes / wann es doch wirt genant
aintail. Merck / das es nyemande
gantz mag begreifen / wann das ist
das grundloß schawen vnd nteffen
gottes Hierumb wirt es in ain tayl
gegeben Als Cristus sprach im ewan-
gelt. Maria optima partem elegit.
Maria hat außserwelt den allerbest-
en tail. Nun Jude vnd Benjamin
das ist / ain inbrünstigñ liebhabet /
vnd dem schawenden leben / in dem
loß fallet die Edel statt Jerusalem /
das ist / gesicht des frids Nun finde
man ertliche vnder den liebhavern
gotes die niches benüget / das sy tu-
gend üben / allain als sy an sy gebra-
cht seind Meer sy süchent new weisß
der tugent zu üben / vnd wöllend an
yetlicher tugent etwas besonders
würckens haben / vnd steigent in den
tugenden auff das allerhöchst / vnd
doch so wöllent sy vnder den besten
die klainestenn sein / Vnd die seind
bey Caleph bezaichnet / der von Ju-
das geschlecht geboren was / wann
der wolt voraus habenn die star der
risen / vnd der hailigen patriarchen
Das was Jerusalem. **Z**ü dem
fünfften So nun got wil ain erbgüt
aller menschen sein Doch will er be-
sonder erbrail sein deren die im opffe
ren sein Sun / als die priester / Also
thünd auch alle die d 3 Sacrament
niet begir vnd vnaß empfabenn /

Von

Auch aller der menschen die alle ding
vmb gots willen lassent / vnd nit meer
nemen von der zeit / dann ain blosser
notdurfft ist des ausseren vichischen
menschen / der erb wil er selb sein / das
bedeut / das die priester zu irer wonig
ertlich schlecht flecken / vnd nit recht
tail von dem land empfiengen. ¶ Zu
dem sechsten / wenn nun des menschen
kranchheit groß ist / vnd er oft von
seiner kranchheit faller in tödlich
gebresten Darumb so hat im got ge
ben sechs stöck darein er fliehen soll /
da er dan frid innen mag haben Ain
stat ist / betrachtung der trück vnd
falschs der in Egiptro ist diser welt /
wenn der mensch das wol betrachter
das sicher in wol vor der bösen welt
Die ander stat ist / ainigkeit / das
der mensch gern allain sey Die drit
ist / betrachtung des tods Die drey
stöck seind hiedis halb des Jordans /
gegen der wüstin / da soll der mensch
einfliehen wenn er anfechtung diser
welt fürcht. Die andern drey waren
genhalb des Jordans / gegen dem ge
lobten land Das seind auch drey stöck
darein man fliehen soll all feind. Die
erst ist / das inwendig gemüt / da das
hoch bild der hailigen Trualigkeit
innen leuchtet. Die ander ist / die
brünnend lieb in dem hertzen vnnsers
herin Jesu christi / da findt v mensch
alle sicherheit innen. Die drit das ist
das gross vnaußsprechenlich wesen
gottes / als er in verborghenheit ob al
len dingen vnd formen schweben ist /
wer darein fleucht der ist wol sicher
vor allen veinden. Ist aber das der
mensch nit von geschicht / das ist / on
gefard / noch von kranchheit / oder
von vnwissenlichkeit sündt / dennocht
so hat er die grundlosen barmherzi
keit zu ainer stat da er ein fleucht In
soll dennocht in die vorbenenten stöck

dem außs gang

fliehen / da findt er gannzen frid vn
sicherheit / wan der tod des obersten
priesters Jesu christi vns zu frid vn
son bracht hat / vnd bringe allzeit bey
seinem vater Also was es / wölllicher
ainert ödt od den tod verschuldt her /
floch er in der sechs stert aine so was
er da sicher Vnd wenn der oberst prie
ster starb so mocht er wider haym zie
hen / vnd was frey vnd sicher allent
halben.

In dem allem solt jr mer
cken die grossen s. r. engenge
n rechtigkeit gotes / seind vnder
sechshundert Tausent / die
über zwainzig jar waren / auß Egi
ptro giengen / vnd nit meer dan zwent
allain in das gelobte land kamen / das
was Josue vnd Caleph.

Auch sollend jr mercken an diser
materi / grosse grundlose erbarmd
gotes / vnd sein güte / das er das volk
als oft wider gnadet hat / wie vil sy
in erzürten. ¶ Weer auch wie er sy
getröst hat mit v saul / mit dem hym
mel brot vnd wunderlichkeit des was
fers. ¶ Bey dem merckt jr auch wol
wie der mensch müß getruckt werdñ
ee er von Egipten land kommet.

Auch merckt jr wol / wie sy mit
streiten vnd mit fechten / vn müß vn
ellend seind komen in das gelobte land
¶ Vnd auch merckent jr wie groß
das nütz ist / v den dienern gots treu
wen beystand thut / als Raab het die
die speher verbarg / darumb auch sy
vnd jr freünd wurden behüt vnd be
halten bey leben / vnd bey allem dem
das jr was. ¶ Zu dem letzten wie der
mensch alles truckts / leidens vn lays
des ergetzert wirt tausentfältig.

Auch wieder mensch sundern fleis
haben müß zu den gebotten gottes /
Hierum beschleuß ich das alles vn
rüß an die ewigen weisheit vn alles

der Juden

hymlich hör vnd beger vnns allen
weisung vnd leitung auß Egipto
durch die wüstin in das ewig vatter
lannd/ das wir alle bitterkayt diser
welt/ vnnnd den abfluss vnnsrer begir
nach irdischen dingen (als die kinder
von Israhel das rote märe/ vnd den
Jordan mit truckem füß) durchgan

von Egipto

ger vnnnd zurucken stossen/ on alles
widerkeren Also das wir die blossen
warhait rechter leer vnd tugent be
greiffen vnnnd würcken / das wir sy
in ewigkait niessen Des behelff vns
die ewig Triualtigkeit got Vatter
vnnnd gotte Sun vnnnd got hailiger
gaist Amen.

¶ Gedruckt zu Augspurg von maister Hansen Schmar
gessen bey sant Ursula closter am Lech/ Durch ange
ben des fürsichtigen Jörgen Diemers/ dieses büchs ver
leger Anno dñi 1510.

1000

Handwritten text in two columns, likely a list or index, written in a medieval script.

Handwritten text at the bottom of the page, possibly a signature or a note.